



UNIVERSITY OF  
TORONTO  
LIBRARY

SBLKOTED

115379


Miss St. Dr.

1



115379

I





P

D

A

In

V

Ad

R.



PALÆSTRA  
IETATIS

CONTINENS

Documenta Sanctè vi-  
vendi & moriendi

ATHLETIS

MARIANIS

In Sodalitate Immacu-  
latè Conceptæ

VIRGINIS DEI PARÆ

*Ad Collegium Pofnaniense Soc. IESU*

A P E R T A


*Opera*

R. P. JOANNIS MORAWSKI

*Ejusdem Societatis Sacerdotis*


ANNO DEI HOMINIS 1698.

Superiorum permiffu.



CALISSII

Typis Collegij Societatis IESU



Nos verò ad majorem vocati vitam, ad excellentius fastigium ascendimus, & in majoribus exercemur


PALÆSTRIS

S. CHRYSOSTOM

Tom. 5.



*K1/KV/88*



APPROBATIO


*715379*  
*I*

Imprimatur.

Posnaniæ &c. 20. Sept: 167

ALBERT. DOBRZELEWSKI

Officialis Posnaniensis.



*424. c. 1953*



C A P V T I.  
Proponuntur quædam

Principia sanctè vivendi.

I.

*Semel Factum, Dictum, cogitatum,  
æternum est.*



Xplico A-  
thleta Mariane, feci-  
sti aliquem amore  
Dei actum heroi-  
cum? Vidit illum  
Deus, qui omnia  
videt; & quia im-  
mutabilis est, scripsit illum in memo-  
ria sua immutabili, *Nunquam deinceps  
delendum*. Ergo tu quodq; in celo De-  
um videndo, leges istum actum tuum

Az

per oiv



## CAPVT

2  
 heroicum, tota æternitate in memò-  
 ria Dei descriptum, atq; de ipso Deo  
 Tuo, & Sanctis omnibus tota æterni-  
 tate gaudebis. Peccasti; Vidit Deus,  
 hoc infelix tuum peccatum in tali  
 momento, in tali loco, commissum,  
 illudq; scripsit indelebiter, ut ait  
 Augustinus, in *Legibus æternis & in  
 mentibus Angelorum* ac de illo tota  
 æternitate displicentiam habebit. Er-  
 go Tu quoq; in cœlo quamvis bea-  
 tus, hoc tuum peccatum, tota æterni-  
 tate leges scriptum in legibus æter-  
 nis, atq; illud tota æternitate detesta-  
 beris: & sicut fieri non potest, tota  
 æternitate, ne quod semel fuit, non  
 fuerit: ita tota æternitate fieri non  
 potest, ut quod semel cogitasti, dixi-  
 sti, fecisti, ante cogitatum, dictum  
 factum non fuerit. Adhuc ne igitur  
 nullius momenti putabis momen-  
 tum tuæ actionis siue bonæ siue ma-  
 læ, quod immenso æternitatis pot-  
 dere appetiandum est? adhuc in ver-  
 bis tuis, cogitationibus, & operibus  
 non verberis censuram legum æter-  
 narum? Non contendes totus, per tu  
 as om

PRIMUM.

§

as omnes singulas cogitationes, verba & facta, ut in memoria æterna sis justus.

I.

*Præstat millies mori. quàm  
semel peccare.*

**I**Ta verissimè sensit noster Polonus Angelus, Sanctus Casimirus. Vis enim scire, quid sit peccatum mortale? est imprimis cum recta ratione difformitas, tam deformis, ut, pro nullo bono consequendo, etiam pro mille mundis lucrandis, prudenter eligi possit: tam probrosa Creaturæ rationali: ut meritò dixerit S. Anselmus, malle se ire ad infernum cum innocentia, quàm ad cælum cum peccato mortali. Est illa infelix conversio, quâ homo, ex amico Dei, fit inimicus; ex filio Dei, filius Diaboli; ex hærede Regni Cælorum, inferni mancipium. Est rebellio creaturæ contra supremum Principem, & cum hoste ipsius Diabolo conjuratio. Est contemptus voluntatis Divinæ.

# CAPVT

4 infinito honore & amore dignissima  
 propter bonum nostrum prohiben-  
 tis aliquid, & ipsum contemptum su-  
 um videntis. Est, ut ait Apostolus  
 Conculcatio filij Dei, obstruentis no-  
 bis suā gratiā viam ad peccatum. Est  
 praelatio non Barabbæ, sed Diaboli,  
 ejusque voluntatis, supra Christum  
 ejusque præceptum. Est sanguinis  
 Christi ad instar rei immundæ repu-  
 tatio, quā peccans projicit animam  
 tinctam sanguine Christi, in cœnum  
 peccati. Est in voto Deicidium, quo  
 ut ait Sanctus Bernardus, homo pec-  
 cando vult interimere aut Sapienti-  
 am Dei, volendo ne suum peccatum  
 videat; aut justitiam, volendo ne  
 puniat; aut omnipotentiam, volen-  
 do ne possit punire, adeoque vult in-  
 terimere Deum, qui sine Sapientiā  
 Iustitiā, Omnipotentiam, vivere non  
 potest. O scelus horrendum! Præ-  
 terea peccatum mortale est illa fadi-  
 tas, cujus una guttula, id est unā co-  
 gitatio superba, nobilissimam & pul-  
 cherrimam creaturam Angelicam  
 tam turpem, tamq; detestabilem fe-  
 cit;



cit; qualis est Diabolus. Est illa animæ macula, quæ per vitam satisfactionis, nullò lacrymarum oceanò, totâ æternitate, ex oculis penitentibus profluentium, nullo sanguine Martyrum, quamvis numerò infinitorum, deleri potest, nisi sanguine Filij Dei, Est tam invisa Divinis oculis turpitudine, ut illa infinita bonitas, nihil eorum odio habens, quæ fecit, tamen ad iniquitatem cum majore horrore respiciat, quàm ad canem fœtidum & vermibus scatentem, usq; adeo: ut (quod considerat Blossius) si in purissima Matre Filij Dei, (quam supra omnem aliam puram creaturam diligit) vel unam peccati mortalis deprehenderet labem, illicò illam cœlo deturbaret, ac in præcipitium inferni derruderet. Deniq; est illa animæ labe, quam æternæ inferorum flammæ (Ah quam atroces!) nunquam tot millionibus annorum excoquere poterunt; quæ tantam Deo displicentiam movet, ut nullam in suis suavissimis visceribus compassionem habeat, videndo creaturam suam perpetuis

incendiis. sine fine torqueri, cum nos unum canem in igne ardentem, ne quidem per unum quadrantem sine sensu doloris aspicere possumus. Tanta est malitia peccati mortalis, ut si ita loqui fas est, omnem quodammodo tollat compassionē ex dulcissimo Dei corde. Quæ cum ita sint, quomodo tantum malum, vel per unum diem in anima tua sustines? Cum pejus sit, unum peccatū mortale habere in anima, quàm omnes inferni Dæmones in corpore, ut docet Chrysost. hom. 30. ad popul. Basil. hom. 13. ad Baptis. & idē peccans à Deo Patre coram S. Catharina Senensi appellatur Dæmon incarnatus. Quā audaciā hac nocte in peccato mortali quiescere præsumis, qua fortē dæmones repetent à te animam tuam? cur tam facili tam frequenter peccas, & quidem non in absentia, sed in facie Dei omnia videntis; Dei, qui tibi nihil mali facit, sed potius te tot bonis cumūlavit, Dei, in quo sunt infinita motiva amoris, qui te dum peccas, in eodem instanti præcipitare in infernum potest. Et peccas abutendo ejus concursu,

# PRIMUM

7

cursu aliisque ejus beneficiis contra ipsum; peccas non ut placeas alteri Deo, sed ut placeas Diabolo; peccas non ut acquiras aliquod Regnum temporale, sed ut amittas æternum. Si bellua, si Ethnicus, si Diabolus esses, forte aliquam excusationem posses præterdere, nunc verò cum credas, Filium Dei pro te mortuum esse, ne illum offendas, cum te Deus tot minis à peccato deterreat, tot beneficiis ad se alliciat, ah quid ei judicanti respondebis? Heu miserere animæ tuæ! Quid enim in te peccavit anima tua; Egestatem fugis, quæ te divitiis privat, & non fugis peccatum, quod te privat gratiâ Dei, Virtutibus infusis, omnibus meritis per tot annos, congregatis; si infinitos gradus gratiæ haberes si merita numero infinita, omnibus te in uno instanti privaret: Horres mortem, quæ te privat vitâ temporali, ærumnosâ, & non horres peccatum, quod te privat jure ad vitam felicem, interminabilem? Demum febriculæ ardores, uno die pati non potes; nec digitum igni admotum per aliquot momenta fastines;

As

& toties



& toties peccando, resolvis te, ad habitandum in ardoribus sempiternis, in igne devorante? Et quid si hoc peccatum quod committere vis, erit ultimum cōplementum mensuræ, quam tuis peccatis designavit Divina providentia? Quid si post hoc peccatum te projiciet in æternum a facie sua Deus, nec tibi gratiam efficacem ad penitentiam largietur.

## III.

*Nihil est certum morte, nihil incertius  
hora mortis.*

**I**mmobile statutum est, omnibus hominibus semel mori. Quotquot fuerunt ante te homines, & quotquot te sequentur, aut mortui sunt, aut morientur: tu quoq; migrabis hinc omnino, nec semper, nec diu manebis hinc, nec usquam supra terram: sed vel infra terram, vel in calo brevi manendum tibi est, & semper manendū. Quid curas unius diei hospitium? quid amicos non nisi hodiernos? nec ultra crastinos? hodie sunt, cras tecum non erunt. Nec tibi per longum iter æterni-

PRIMUM.

gatis comites erant. Brevi te deseret ista  
formæ venustas, deserent divitiæ, vo-  
luptates, honores, deseret mundus.  
Sola te virtus sequetur: *Solus JESUS om-  
nibus recedentibus non recedet.* Omnia  
fucum nobis faciunt, dum vivimus, vi-  
ventibus pretiosa, vilia morientibus.  
Heu quantum illorum vanitatem, Ce-  
reus lustralis ad vesperam mortis de-  
reget! sed serum erit tunc aperire o-  
culos, cum in morte claudentur. Qued  
tunc te egisse optabis, nunc age. Pun-  
ctum, quod vis, forte ultimum est, &  
ut ait Tertulianus, *Christiano crastinum  
non est.* Vis mortem Sanctorum pretio-  
sam: times mortem peccatorum pesti-  
mam? fuge vitam peccatorum. Et quia  
nescis ubi & quando te mors expectet, tu  
illam semper & ubiq; expecta.

IV.

*Momentaneum quod delectat, eternū  
quod cruciat. S. Greg.*

O Voces horrendas! *Eternum, Nun-  
quam, semper.* Ah semper! quod fi-  
nietur nunquam. Ah nunquam: quod

## CAPVT

durabile semper. Ad æternum? quod nunquam finietur, quod semper durabit. Vis nosse quid sit Æternitas? Est Circulus, cuius initium semper est, medium & finis nunquam. Est rota, quæ semper voluitur, quiescit nunquam. Est Orbis, qui ubi desinit, incipit, & incipiendo nunquam desinit. Deme æternitati mille annos, deme mille Millia annorum, deme tot seculorum miliones, quot stellas numerat coelum, quot atomos aër, quot guttas oceanus, nec unicum momentum æternitati detraxisti; tam enim manebit infinita, quàm ante fuit, manebitq; tamdiu quàm diu Deus perseverabit esse Deus. Hæc ergo æternitas infelix, tam animi quàm corporis, cruciatibus plena, unius momentaneæ delectationis parva est. Deus, ergo ne unius diei febricula molesta nobis est? si tibi eodem in molli lecto, inter morsum pulicum per unam noctem decumbere, durum est, digiti ardenti candelæ admotum, unicâ horâ tenere, intolerabile: Ah quid, semper & æternum à visione Dei exulare, igni atrocissimo uri die nocteque median  
inter



PRIMUM.

iter caliginem, fumum ac fulfur ves-  
iri, excruciami modis omnibus, sine ul-  
o solatii levamento, inter ejularus la-  
mentabiles, ac rugitus damnatorum,  
i contubernio Dæmonum vivere, de-  
eratione rumpi & rabie nunquam le-  
ianda, sicq; vivere æternum morien-  
o, & mori æternum vivendo sò æter-  
itas: Utinam frequentius menti no-  
re occurreres, quàm nobis amaras  
aceres mundi omnes voluptates.

V.

*Quid prodest homini, si universum  
mūdum lucretur, animæ verò suæ  
detrimentum patiatur?*

Mat. 16.

**[**Anti æstimat animam nostram, o-  
mnia ponderans in mensura & pon-  
ere æquissima Dei Sapientia Incarna-  
a, ut ipsius judicio totum lucrum,  
uod ex orbe universo colligi potest,  
ullius momenti præ anima nostra sit,  
& prorsus nihil sit. Iniquus emptor  
diabolus est, qui pro anima Regna o-  
ania mundi offerens dicit. *Hæc omni*

## CAPVT

*tibi dabo, si cadens adoraveris me.* Maior  
 illam pretio emit Sapientissimus ne-  
 gotiator Christus, quia infinito The-  
 sauro sui sanguinis ac meritorum redem-  
 mit, usque ad extremam paupertatem  
 usque sui exinanitionem, amore animæ  
 nostræ redactus. Ego ne igitur stultus  
 mercator sum, qui animam meam non  
 pro regnis omnibus mundi, sed pro  
 momentanea voluptate, pro evanido  
 honoris fumo, Diabolo æternam ven-  
 dam! Heu quantum damnum animæ u-  
 nica, animæ æternæ detrimentum! Si  
 unâ manu privatus fuero, alterâ uti potero  
 si uno pede mutilatus fuero, alter manebit  
 residuus; si aurem dextram amiserò, super-  
 erit sinistra; si unus oculus deficiet, alter e-  
 rit solatio. At animam habeo duntaxat  
 unicam & æternam, quâ si semel amiserò,  
 jâ nulla est reliqua. Una est, quæ pro cen-  
 tenis mihi esse debet & millenis, hæc si per-  
 do, perdidit æternam; si lucrò, pariter æ-  
 ternum lucratus sum; hanc ubi salvam fe-  
 cero, jam quod metuum non habeo æter-  
 num, ubi semel perdidit, neque quod sperare  
 superest æternum. quia unica est, æterna  
 est.

## VI.

*Bonum Gratie unius est majus: quàm  
totius naturæ universæ.* S. Tho. 1.

2. q<sup>o</sup> 113. art. 9. ad 2.

**A**Urum tibi placet, gemmas quæris,  
& colligis o homo: quid si hoc  
momento mundum aureum & gemme-  
um, quid si mille & plus quàm mille  
mundos aureos & gemmeos tibi statu-  
am facile comparandos? en unicus, San-  
ctificantis Gratiæ gradus, bonum totius  
naturæ universæ, adeoq, mille mun-  
dos aureos & gemmeos pretio superat.  
Et quidni superet? qui infinitò pretio  
meritorum Christi emptus est, quò,  
Regnum Cœlorum & immensæ æterni-  
tatis beatæ gloria condignè emitur.  
Quæris jam, quo pretio hanc gemmam  
sic pretiosam emas? Sacramentorum  
Pœnitentiæ, & Eucharistiæ frequens ac  
dignus usus, charitatis opera, unica  
sancta cogitatio, unicus bonæ volunta-  
tis actus, pretia sunt, quibus gemma  
hæc inestimabilis comparatur. O!

quor



quot Thesauros plusquam aureos, plusquam gemmeos colligeres vel per unum diem, si talibus actibus, cogitationibus, operibus totum diem impenderes? Quot tibi pereunt tam pretiosa lucra, cum sine bonis actibus pereunt dies? Ergo hic te decet maximè avarum esse, unicam aestima & cura Dei gratiam, & non unicam: quia præ omnibus aliis bonis creatis quærendam, non unicam, quia per plurimos gradus continuò augendam, ut dicere possis ignitò S. IGNATII corde: *Amorem tuum Domine cum Gratia tua mihi dones, Et dives sū satis, nec ultra quidquā posco*

## VII.

*Servire Deo, regnare est.*

**N**on est tam abjecta servitus Dei, quam exterius apparet. Omnes servi Dei Reges sunt, quia sibi suisque passionibus dominantur, Reges sunt, quia intra illos est Regnum Dei, illa scilicet pax conscientiæ, illud gaudium Spiritus sancti ineffabile. Reges sunt, quia juxta Christi promissionem

ipforum  
sunt,  
gum  
gum  
gni  
qui  
ptre,  
Reli  
ut r  
statu  
res i  
Mic  
rius  
Rac  
rem  
ber  
man  
Imp  
pes  
refe  
Cas  
JES  
tan  
ut  
ips  
tul  
tha

PRIMUM.

15

ipforum est Regnum Cœlorum. Reges sunt, quia simul amici & filij Regis Regum. O beatam servitutem cunctis Regum solis altiore! Sensere hoc magni Imperatores, Reges & Principes, qui ut Deo perfectius servirent, sceptrâ, purpuras, & diademata cum vita Religiosa commutârunt. Tales fuerunt, ut refert Hieronymus Platus de Bono statu Relig. lib. 2. cap. 26. Imperatores in oriente Anastasius, Theodosius, Michael uterque; In occidente Lotharius & Hugo: tales è Regibus in Italia Rachisius & Pipinus; in Hispania Vemundus, Ramirus; in Anglia Sigbertus, Elteredus, Henredus; in Germania Carolomanus & alij. Regum ac Imperatorum filios, Duces, ac Principes inferiores, quis numeret? Sufficiat referre dictum B. Aloysij, qui spreto Castillionis Marchionatu, Societatem JESU, è consilio Dei Matris ingressus, tanti fecit abjectum esse in Domo Dei, ut Generali Mutio Vitellesco (quod ipse postea in publica exhortatione retulit,) palam dixerit: *Si per unum tantum momentum ex Societate JESU esse debuissim*

*buissem, & per inferni pœnas me peruenire oportuisset. elegissem illas. Pater, ut in Societate essem. At etenim servitus Dei tuis non caret laboribus ac molestiis? Ita est. Sed quænam mundi servitus illis caret? Quæ rosa sine spinis, quæ sine conchis gemma? Quot incommodis, quot laboribus iatigantur servi mundi, ut famam, ut honorem, ut gratiam Principis, lucrentur? Et hoc ipsum quàm fragile bonum est, quàm insertum? Ergo pro amicitia Dei, tam certâ, pro honoribus, pro divitiis totâ æternitate mansuris, longè minora pati grave erit? Et verò quàm parum est, quod à nobis in obsequiis suis exigit Deus parum omnino comparatione tanti præmij quantum est æternæ gloriæ pondus. Parum ratione brevis temporis, quo laborandum & patientum est. Parum comparatione eorum, quæ sancti pro Deo tolerabant. Parum comparatione eorum, quæ pro nobis Dei Filius fecit & passus est. Parum ratione dignitatis Dei infinitæ. Parum, comparatione suppliciorum, quæ promeruimus. Parum deniq; quia*



omnes in obsequio molestias & labores, dulces facit suis solatiis, suo amore Deus, ut ipse sit exaltans jugum supra cervices nostras, dicatq; merito: *jugum meum suave est, & onus meum leve.*

## VIII.

*ine causa Christianus sum, si Christum non sequor. S. Bernard.*

**N**ihil aliud est vita Christiani, quam imitatio vitæ Christi. Aut Baptismi Character eradendus est & fides in Christum ejuranda; aut juxta vitæ Christi Ideam vivendum est Christiano. Quantus pudor est, credere Christo dicenti, Beatos esse pauperes, Beatos qui lugent, & tamen divitias sectari, quærere voluptates. Quàm proterosa contradictio! Adorare Christum pauperem, contemptum, Crucifixum; & paupertatem Christi fugere, detestari contemptum, Crucem horreri! Quanta indignitas? Dominum esse pauperem, servum divitem; Dominum omnia incommoda pati, servum deli-

deliciis abundare? Itané vestis attactu Christi consecrata ac dignificata est; & paupertas nostra dolor, ignominia, quæ Christus pariter assumpsit, ipsa Christi assumptione Christiano dignificata non erunt? At pudeat *Servum esse majorem Domino*; pudeat *sub spinoso capite, membrum esse delicatum*. Effinge quod vis Christiane: vel te errare fatearis, qui opposita omnia ambis. At Christum Dei sapientiam, errare impossibile est; tu igitur infelix erras, si divitias, si voluptates, si honores, cum salutis dispendio quæris.

## IX.

*Aut pati aut mori.*

**E**ffatum est Sanctæ Teressæ verissimum, & Divinæ Sapientiæ arcannum. Ita est, quâmdiu vivimus tamdiu restat pati. Multa bona agere, & multa mala pati, Christianorum est, ait Bernardus. Sepovit Deus omnes semitas nostras spinis & crucibus: Siquis ab una declinare velit, incidit in aliam, quia ob ipsam fugam Crucis novæ no-

xæ de-

et debitam. Quid frustra Crucem fugis, quam vitare non potes? In cælo nihil nisi bonum est: in inferno, nihil nisi malum; terra, quæ media est, utrumque extremum participat. Quid Crucem fugis, quam Christus suo contactu dignificavit? Crux latronibus sit infame patibulum, tibi Christiane est scala ad cælum. Hac itur ad astra, hac Christus, hac omnes cælites intrarunt ad gloriam suam. Quàm pulchrum cælo spectaculum est, Christianum, Christi confixum esse Cruci: Quantum audium, Christum socium habere doctorum! Quid dulcius calice Passionis, quem cor divinum, suis implet placis, velut placidissimis liquoribus, quem manus piissimi Patris porrigit, quem os Christi prægustavit. Bibe igitur, tam præclarum calicem sitibundus, ut generosos ac filio Dei dignos imbibas spiritus, & bibendo ingemina cum Sancta Tereffia: *Aut pati aut mori.* Quin potius dic cum S. Magdalena de Pazzis: *Pati non mori* Aut exclama cum Indiarum Apostolo Xaverio: *Amplius Domine, amplius cruciari.* Nempe pati



pati, est. *Omne gaudium*, ut ait Iacobus Apostolus. Stare ad Crucem Christi cum MARIA, est illud unum *necessarium*: Maria optimam partem elegit, ut agebat P. Vincentius Caraffa VII. Generalis Soc: JESU *Pati amando & amare patiando*, est compendium perfectionis; ut dicebat idem. Ire ad cælum patiando, est ire per Portam, Ut dicebat P. Balth. Alvarez Soc: JESU. *Dolores pro amore Christi tolerati*, sunt mensura itineris sursum, quam oportet esse confertam & coagitatam, Ut dicebat P. Franciscus Piccolomineus VIII. Generalis Societatis JESU.

## X.

*Omni ponderatio non est digna Continentis animæ. Eccl: 26.*

Quàm pretiosa est castitas, Virtus Angelical *Hac incorruptio*, nos mortales facit proximos, non modò Angelis sed ipsi etiam Deo. Hanc tanti fecit Christus, ut Matrem nonnisi Virginem elegerit, ipse virgo, & Joannem Apostolum propter Virginitatem, in suo pectus

pectore, tamquam gemmam pretiosam  
reposuerit, eumque moriens locò sui  
in terris, Filium MARIÆ reliquerit.  
Hanc ira amavit Virgo Mater prima  
hujus virtutis in terris fundatrix, ut  
Angelo Maternitatem Dei offerenti,  
palam testata sit: *Quomodo fiet istud, quo-*  
*niam virum non cognosco?* Præmium Vir-  
ginitatis quàm sublime! Supra mon-  
tem Sion, id est, in sublimi gloria pe-  
rennare, sequi agnum quocunque je-  
rit cantico ab aliis inimitabili, Cor Dei,  
B. Virginis, totâ æternitate exhilarare,  
speciali laureolâ in cœlo ornari, Vir-  
ginitatis stipendium est. Quanti igitur  
hanc virtutem æstimare, quantum pro  
ejus integritate dimicare debes, si  
Christo, si ejus Marri placere deside-  
ras, Athleta Mariane? Linguam sibi  
præcidit, & cruentam in os Fœminæ  
impudicæ expulit Martyr Niceras, ut  
castitatem defenderet, tu saltem lin-  
guam cohibe, ne, quæ toties Sangu-  
ine Christi in sacra communione conse-  
cratur, verbo aliquo impuro pollua-  
tur. Nobiles Christianæ Amazones,  
aliæ oculos sibi eruerunt, aliæ se ipsas

# CAPVT

præcipitârunt è montibus, ne Virginitatem læderet: tu saltem oculos averte, ne videant vanitatem. Benedictus, pro conservanda castitate, se nudum in vepris cruentavit: Franciscus in nivibus volutatus est. Xaverius ad sanguinis è naribus profluvium, uni somnio impuro restitit. Tu nondum durius carnem rebellem tractasti, *nondum ad sanguinem restitisti.* Ergo nunc statue, omni diligentia, thesaurum tam pretiosum servare, quem si semel amiseris, nunquam totâ æternitate recuperabis.

## XI.

*Quàm sordet mihi terra dum  
cælum aspicio.*

**V**Ox erat S. P. Nostri IGNATII ad Cælum aspirantis. Et quidni sordeat terra, tot plena peccatorum factoribus! Quidni sordeat, quæ stabulum est peccatorum: patria nostra est cælum. Ibi Patrem Deum habemus: ibi Nos, *magnus Electorum numerus expectat.* Bona terrena, quibus hæc nascimur:



mur, filique sunt porcorum, quæ appetitum nostrum infiniti Boni capacitatem non explent, contaminant. Ad majora, ad altiora bona creati sumus: ergo ad illa properemus. *Ad Cælum; Ad cælum. Ibi nostra fixa sint corda, ubi vera sunt gaudia, quia pura, æterna. Amemus vitam, sed æternam æternam: Queramus divitias, sed semper mansuras: optemus voluptates, sed sine felle, sine absinthio, perennes: Ambiamus honores sed apud Deum nunquam perituros. O nos vesanos! si stabulum amamus præ palatio, exilium præ Patria. lutum præ auro. Quanta pbenesis est, cogitare parum de magno, & cogitare multum de parvo, brevi tempore curam longissimam, æternitati brevem curam impedire! Quanta insania: mille perdere, parum ut minus lucreris: nolle dare mortem pro vita, terram pro Cælo, tempus pro æternitate; nihil pro honorum omnium aggregatione.*

## XII.

DEUS mihi sufficit.

Quid appeto? Quid appetendo quæro? & latari in appetendo nequeo.

B

Bo-

Bonum est quod appeto, bonum quero, sed nullum bonum creatum, que scier, inuenio. Ubi es ô Bonum meum sufficiens; quero te intra diuitia sæculi, sed non inuenio: quid enis sunt illæ, nisi mera delicta, figura transiens, & somni. in quo cum dormieris *Siri diuitiarum, nihil inuenient in manibus suis.* Irò spinæ sunt, quæ suâ sollicitudine pungunt animam, & cruentant. An que inter carnis delicias, bonum sufficiens reperio: quantum enim gaudium peccatoris! *ad instar puncti est, gutti mellis in Oceano, fellis, & absinthij.* Quid frustra & inter mundi honores & inter favores mortalium exquiro bonum? quantæ indigentia latent sub larva honoris? quantæ fallaciæ favore Principum. Valet bona non bona, bona indiga, non sine malo bona, qui defectuosa, & defectibilia. Solus bonum meum est, qui purum bonum est qui omne bonum est, qui fons omnium bonorum est indefectibilis, & origo. *Deus meus, & omnia Nimium avarus est, cui Deus non sufficit.* Quod enim bonum est, quod in Deo cum infinito excessu

## SECUNDVM.

25

non contineatur? aut quod bonum est, cum quo Deus melior, quàm sine illo, qui infinitum bonum est? Igitur & amore careo, & laude apud homines, sufficit mihi Deo placere, sufficit laudem apud Deum habere. Si careo divitiis, nimis dives sum, cum jus ad Deum possidendum habeo: *Quidquid mihi dare vult Dominus meus pater se ipsum, dulce mihi non est; auferat totum, & se mihi det.* Ipse solus mihi sufficit, Deus meus, & omnia.

## CAPVT II.

### Remedia.

*Ad sugienda & extirpanda vitia.*

**I**Actis breviter in virtutis Palæstra, sanctioris vitæ fundamentis; armandus est Athletæ MARIANUS, remediis vitiorum tum generalibus, tum particularibus; quibus instructus, prælia Domini contra hostes animæ feliciter gerat.

De

Remo-

## Remedium.

*Contra quoduis peccatum.*

1. Remedium est Oratio, ad quam subito recurrendum est, resurgente aliquâ tentatione, antequam cor occupet, invocando opem Dei B. Virginis, & S. Patroni, qui in opposita virtute floruit. Hujusmodi orationes sunt: *Deus in adjutorium meum intende. Domine Saluum me fac, pereo. Domine vim patior responde pro me. MARIA sis mihi propitia. MARIA opitulari. Mater misericordie monstra te esse Matrem.*

2. Remedium est. Habere frequenter memoriam presentie Dei, & Angeli custodis, atque occurrente pravâ suggestionem, se ipsum arguere dicendo: *Ego ne in oculis Dei iudicis omnia videnti, & Angeli mei custodis, hæc cogitabo? hæc faciam? O Domine male mori quam fedari*

3. Remedium est. Premente aliquâ tentatione, recordare Christi patientis; ejusq; amore te ipsum vincere dicendo: *Amor meus confixus est, ego voluppati.*

ope-



*Ad operam dabo. Ab non licet sub spinoso capite membrum esse delicatum. O bone IESV,, intra vulnera tua absconde me. Ita suadet Apostolus, ut cogitatione Christi passi armemur. 1. Petri 4.*

4. Remedium est: Tempore tentationis devote aspicere imaginem B. Virginis, vel eam sibi in memoriam revocare, atq; eius amore, protehari, se molle assentiri tentationi. Propter te, amore tui, o pretiosissima Parēs, Domina mea, non cogitabo, non dicam, non facia.

5. Remedium est. Meditatio Novissimorum, nempe mortis, iudicii extremi, inferni juxta illud: Memorare Novissima tua, & in aeternum non peccabis. Eccles: 7.

6. Remedium est: Fuga otii, quod est pulvinar diaboli, & origo omnium vitiorum,

7. Remedium est: Fuga solaciorum, iocorum aliarumque occasionum peccati. Nam qui amat periculum, in illo peribit. Ecclesiastici 3.

8. Remedium est, Usus frequens Sacramenti Pœnitentiæ & Eucharistiæ. Ex hoc etenim divino Epulo robur sumi-

tur ad vincendum hostem animæ; Et de hoc Sacramento dicit psalter: *Parasti in conspectu meo mensam, adversus eos; qui tribulant me.* Psal. 22.

9. Remedium est: Dum aliqua tentatio infestat, elicere actum amoris Dei super omnia; talis enim actus stare non potest cum peccato, ac proinde illud impedit,

10. Remedium est. Examen particulare instituire: ita, ut mane proposito facto, vitandi tale, vel tale peccatum, circa meridiem, & vesperi te reflectas, quoties in hoc peccatum lapsus sis, moxque poenitentiam ipse tibi imponas, & propositum renoves, tam diu in eo persistendo, quam diu vitium non extirpaveris.

Hæc sunt remedia generalia contra peccata, Veniamus ad specialia

### Remedia:

#### *Contra tentationes fidei oppositas.*

1. Cave ne unquam cum talibus cogitationibus disputes, ne fallacis demonis in re fidei tam obscura, capiarer  
sed,

## SECUNDUM. 19

sed potius captivando intellectum in obsequium Dei, illico dices: *Credo omnia quæ credit Ecclesia Catholica. Credo Domine; adjuva incredulitatem meam.*

2. Revoco tibi in mentem illa suavissima vincula, quæ in fide Catholica tenebant Augustinum ita de se loquentem; lib: contra Epist: fundam. *Tenet me in hac fide consensus populorū. atq; gentiū, tenet auctoritas miraculis inchoata, spe nutrita, charitate aucta, vetustate firmata. Tenet ab ipsa sede Petri Apost: usq; ad presentem Episcopatum, successio. Addi potest: Tenet me in hac fide tanta doctorum sapientia, tanta tot Religiosorum Sanctitas, tanta tot millionum hominum pro hac fide tolerata Martyria. Quæ omnia motiva credibilitatis, in nulla secta reperiuntur, nisi in sola Romana Ecclesia, ut vel inde certissimum signum sit Deum in ea sola, & per eam loqui.*

3. Frequenta ritus Ecclesie, præsertim usum Sanctissimi Sacramenti, ut sic tibi gustanti quàm suavis sit Dominus, sapiant ea, quæ ipse in Ecclesia revelavit.

4. Vitandæ lectiones librorum veterum, conciones item & familiaritates Hæreticorum, monet Apollolus *ad lit.* 3.

### Remedia.

#### *Contra consuetudinem jurandi.*

1. Considera: quantus sit Dei contemptus. cum nomen ejus sanctum & terribile assumitur ad confirmandum dictum falsum; hoc enim nihil aliud est, quàm Deum, qui est summa veritas, facere tellem mendacij, adeoque facere Deum mendacem; quæ est ingens Dei contumelia.

2. Considera consuetudine jurandi amitti auctoritatem in dicendo: nam frequenter & faciliè juranti, minus creditur, etiamsi certò juret, ut docet S. Chrysost. *hom. 7. ad pop. Antioch.*

3. Loco consuetæ formulæ jurandi assuesce alteri modo testandi, qui non contineat juramentum, dicendo v. g. ita pro certo, affirmo, &c.

4. S. Chrysostomus *hom. 5. ad populū*, ad deponendam hanc consuetudinem, suadet; ut qui est ei obnoxius, ipse sibi



poenam imponat, quoties in hoc peccatum labitur, v. g. ut impransus cubet; ut toties det elemosinam, &c.

*Contra superbiam & vanam gloriam.*

1. Frequenter sibi imperfectiones, & peccata ob oculos ponere, ob quæ digni sumus omni contemptu.

2. Proponere sibi ante oculos perfectiones Sanctiorum, & cum illis se ipsam comparando confundi.

3. Meditari de humilitate Christi conculcati, conspati, latroni postpositi, atq; nobis dicentis, *Discite à me, quia mitis sum & humilis corde.*

4. De se suisque factis nihil ad laudem vel vituperium dicere, & oblatam laudem statim Deo offerre.

5. Libenter occupari in functionibus abiectioribus, & cum humilibus conversari.

6. Laudem & honorem apud solum Deum querere, apud quem solum est laus vera, aeterna, inimitabilis, imò est infinita, cum sit ipse Deus, juxta il-

By . . . . . lud

Iud Regij Vatis: *apud te laus mea Deus*  
*Et Laus mea tu es.*

Sæpè cogitare: quod superbus, sit  
 contemptibilis hominibus, & Deo odi-  
 bilis, qui superbis resistit, eosque pu-  
 nit in famiâ, & peccatis turpibus, ut sibi  
 vilescant.

### *Contra Iram, & Impatientiam.*

1. Cum te ira commoveri sentis, ab  
 omni verbo abstinere, aliò te conferen-  
 do, ne aliquod verbum contra ratio-  
 nem excidat.

2. Aspice Christum Crucifixum, ide-  
 am omnis patientiæ, & mansuetudinis,  
 qui ut dicitur 1. Pet. 2. *Cum pateretur*  
*non comminabatur;* atque intra ejus vul-  
 nera, tuas molestias deponere, ut ibi dul-  
 cescant amore Tui redemptoris.

3. In omni tua adversitate, oculos  
 mentis converte ad Dei voluntatem  
 sapientissimam, justissimam, benevo-  
 lentissimam, à qua, omnia adversa ad  
 nos veniunt, dicendo: *Ita Pater, quia*  
*sic placitum est ante te.*

4. Vide tuos defectus majores, quos  
 in te tolerat Deus, & alij, & quibus lon-  
 ge ma-

ge maiorem gloriam mereris, ac proinde in satisfactionem pro ipsis, accepta adversitatem.

5. Considera damna, quæ ex ira, & impatientia proveniunt. Nam ira non minuit dolorem, sed augēt: & præterea vulnus conscientie infligit, privatque coronā. Deinde hominem facit furentem bestiam. Denique præscribit modum, quo Deus agere debeat cum iracundo orante. *Dimitte nobis sicut & nos dimittimus.*

### *Contra tentationes impuras.*

1. Fugiendæ occasiones, conversationes, amicitie nocivæ, otium.

2. Custodiendi diligenter sensus, præsertim oculi, lingua manūs, sunt enim fenestræ, per quas mors intrat.

3. Subtrahendum fomentum libidinis, nimius cibus, & potus.

4. Adhibenda mortificatio corporis, jejunia, flagellationes, vigilia.

5. Utendum frequenti communione, ut purissimo corpore Christi, corpora nostra sanctificentur.

6. Juvat plurimum devotio ad Ma-

Be

trem

irem purissimam, à qua virtus continentia sapè pericula est, & coram eadem matre & vespere protestatio facienda, quod quicquid contra Angelicam puritatem, acciderit, id prater & contra Iohanni voluntatem futurum sit, idq; amore ipsius.

7. Occurrente tentatione, mentem illico alio avertere, vel conferendo se ad aliquid serid agendum, vel recurrendo ad Christum Crucifixum, vel ad Angelum Custodem, vel ad B. Virginem, his verbis: *Virgo purissima per immaculatam Conceptionem tuam, munda cor meum ab omni impuritate: in nomine Patris & Filij & Spiritus Sancti.*

### *Contra Invidiam & Odium*

1. Honorem, laudem, ceteraq; bona temporalia non magni facere, sed potius bona melioris ordinis æterna desiderare.

2. Ea frequenter desiderare, quæ ad fraternum anorem excitare possunt, quia sunt; quod omnes simus Dei imagine insigniti, omnes Christi sanguine tincti, omnes ad eandem hereditatem



SECUNDUM. 25

ditatem vocati, omnes ej. scdm divine  
mentis participes, &c.

3. Expendere damna invidia, quæ  
invidiam tristitiâ inani consumit, omni-  
bus g. autem facit, diabolo finem red-  
dit.

*Contra Gulam.*

1. Remedium præscribit Spiritus S.  
Prov: 23. *Noti esse in convitiis potatorum  
nec in comensationibus eorum.*

2. Expendere corporitudinem hujus  
vitij, quod hominem belluam facit,  
imò deteriorem belluis, quæ naturam,  
ultra satietatem non gravant.

3. Considerare incommoda, quæ ex  
hoc vitio proveniunt, qualia sunt; pau-  
pertas, multæ infirmitates, acceleratio  
mortis, rixæ, homicidia, luxuriæ & alia

4. Panem sibi statuere pro hoc de-  
fectu commissæ, de aliquo visitando  
pane & aquâ. cibumque qui sumendus  
fuit, pauperibus erogando.

*Contra tepiditatem.*

1. Considera amorem Dei erga nos  
& tot beneficia, quibus nos obstringit  
con-

## CAPUT

continuo ad hoc, ut ei ferventer serviamus

2. Considerare immensum gloriæ pondus. quod tam facile per opera ferventia promereri possumus, & quod promerendi post mortem tempus non erit amplius.

3. Considerare exempla tot Sanctorum, tum in hac vita, tum in cælo, Deum ferventer laudantium.

4. Considerare finem creationis nostræ, qui non est aliud, nisi laudare Deum, ei que servire.

5. Considerare malitiam tepiditatis, quæ ipsa bona opera reddit mala, & nauseam tantam Deo movet, ut dicat in Apocal. *Utinam calidus, vel frigidus esses, sed quia tepidus es, incipiam te vomere ex ore meo.*

## CAPUT III.

Praxis Exercitij Matutini

*Adoratio, Fides, Spes, Charitas.*

Summa, ac infinita Majestas, Pater, Filius, & Spiritus S. Ego vilissima crea-

LXXX

### TERTIUM

tura tua, in centrum nihil mei prostratus, Te Deum verum, unum in natura, trinum in Personis, supplex adoro, laudo, & glorifico cultatricem, affectum omnium Sanctorum. In te & tibi in omnibus quæcunq; revelasti, firmissime credo, propter unam veracitatem infallibilem. In te spem omnem meam de omnibus bonis meis tam temporalibus, quam æternis repono, propterea quia scis, vis, & potes ea conferre. Te æstimo, & amplector super omnes divitias, honores voluptates, & super omnia bona creata, propter te, & infinitam dignitatem, & bonitatem tuam. Atque in his affectibus hodie, & quotidie vivere, operari, pati, ac tandem mori volo.

### Gratiarum actio.

**B**enedicta sit in æternum amabilissima tua Deus bonitas infinita, quæ me ex nihilo creasti, ex peccati servitute redemisti, ad fidem veram vocasti, tot gratis ingratum hæcenus ornasti, præcavisti, adjuvisti, & tot malis animæ, & corporis etiam hac nocte præserva-

seruasti. Pro istis ac omnibus aliis beneficiis, quibus non solum me, sed omnes & singulas creaturas hucusq; cumulatim, confiteantur tibi Domine omnia opera tua, & Sancti tui benedicant tibi.

*Intentio.*

**E**cce Domine hodie, & per totam vitam meam, & æternitatem, me tibi ex integro in holocaustum trado ac offero corpus & animam meam, memoriam, intellectum, voluntatem, sensus ac omnes potentias, omnia facta, dicta cogitata. omnes aduersitates meas, omnes motus cordis ac respiraciones, omnes syllabas & literas legendas, scribendas, audiendas. Omnia ista unita meritis vitæ Passionis Domini nostri IESV Christi, sanguine ejus aspersa in corde deposita, manibus benedicta, dono, offero, consecro divinæ Majestati tuæ.

*I. Ex amore tui ad gustum tibi dandum & ad maiorem gloriam tuam.*

*II. In protestationem supremæ tui domini & nostræ subjectionis.*

*III. In*



III. In gratiarum actionem pro beneficijs omnibus præsertim N.

IV. In satisfactionem pro omnibus peccatis præsertim N.

V. Ad exhibendum cor B. Virginis, & SS: præsertim N.

VI. Ad præparandum cor meum in ordine ad communionem.

VII. Ad confundendos Demones hostes anime meæ.

VIII. Ad impetrandam mihi virtutem & gratiam N.

### Protestatio.

**P**ROtestor verò coram te Domine Deus meus, & Curia tuâ celesti universâ, quòd hodie & totâ vitâ meâ volo vivere; ut decet mancipium JESU & MARIE. Protestor quòd mori millies malo quàm peccatò præsertim N. te offendere. Protestor: quòd quidquid, hodie acciderit, quòd tibi Deo meo displicet, id contra meam voluntatem erit. Protestor deniq; quòd toties te hodie amare & laudare volo. quoties respirabo, quot fluent membra in tempore, quot literas scribam, &c.

Feti-

*Petitio Auxilij*

**A** Tua benitate per JESU Christi sanguinem suppliciter peto benedictionem. Da mihi gratiam hodie efficacem, ad vincendas suggestiones inimici, ad vitanda omnia peccata, praesertim N. ad promerendam veniam, gratiam, & gloriam æternam, Amen.

Ter *Pater* & *Ave*. Et renovetur Formula congregationis: *Sancta MARIA Mater Dei, &c.*

## CAPVT IV.

## Examen Vespertinum.

*Gratiarum actio.*

**B**enedicta sis in æternum, ab omnibus, & super omnia, Sancta, & individua Trinitas, Pater, Fili, & Spiritus Sancte, pro omnibus, & singulis beneficiis, quæ mihi, omnibusque creaturis siue in terra, siue etiam in inferno hodie, & toto vitæ meæ tempore, contulisti. Benedico, laudo, & glorifico te, pro

#### QVARTVM

14

pro beneficio creationis, & conserva-  
tionis mei, ac omnium creaturarum,  
pro cooperatione ad omnes actus me-  
os, pro incarnatione, vitâ, passione, &  
morte Domini nostri JESV Christi,  
pro doctrina ejus, meritis, exemplis,  
Sacramentis, pro gratiis omnibus ha-  
bitualibus & actualibus, in me ac o-  
mnes creaturas rationales, tam liberali-  
ter effusus, ac demum, pro externa pro-  
tectione, ac preservatione, à pluribus  
malis animæ & corporis: Benedictio  
& claritas & gratiarum actio, honor, &  
gloria tibi Deo nostro in æternum.

#### Petitio Luminis.

**A**T quàm ingratus ego hodie bene-  
ficiis vixi! illumina quæso Domi-  
ne oculos mentis meæ, ne obdormiam  
in morte. Emitte lucem tuam & veri-  
tatem tuam. ut cognoscam ac desineam  
peccata mea, quibus te hodie offendi.

#### Discussio Conscientiæ

**H**ic revoca tibi in mentem defectus  
actionum tuarum reflectendo te  
supra singulas, eo ordine, quo per diem  
factæ

tactæ sunt, observanda. quid mali in  
qualibet actione diei cogitasti, dixisti,  
fecisti, quid etiam boni omisisti, quod  
facere potuisti, item considera causas  
defectuum, & remedia.

*Dolor.*

**O** Purum, summum ac infinitum Bo-  
num Deus meus, ex amore quo te  
amplector, & æstimo super omnes crea-  
turas, detestor omnia & singula pecca-  
ta mea, super omnia alia mala, etiam  
supra ipsam mortem, & dolo quia Te  
aliquando peccatis meis offendi. Do-  
leo autem pure propter te, tuamque  
bonitatem infinitam, omni amore di-  
gnissimam, quam infelix offendi. & cui  
materiam displicentiæ dedi. O utinam  
nunquam peccassem! utinam tibi per-  
fectius servivissem!

*Proposium.*

**E**cce nunc Domine cum tua gratia  
firmissime statuo ac propono emen-  
dationem. Volo deinceps perfectius  
tibi servire, volo occasiones peccandi  
præsertim N. evitare. Malo mori &  
omnia



omnia aduersa dari, quam te Deum nūc  
m peccato unquam offendere. Con-  
firma hoc Deus per gratiam, quod ope-  
ritus es in me. Adjutor meus esto, ne  
crelinquas me, neque despicias me  
deus salutaris meus. *Ter Pat. & Ave,*  
Psalmus *De profundis*, pro defunctis  
indalibus.

## CAPVT V.

Observanda circa quamcun-  
que actionem, ut per-  
fectè fiat.

**A** Nec quamcunque actionem, pra-  
sertim longiorem, V. G. ante st-  
ia, invoca breviter opem divinam, di-  
cendo: Deus *in adiutorium meum in-*  
*uide* vel *Adiuba me Domine Deus meus.*

2. Renova intentionem; dicendo:  
*glor. a tua Deus & vitam aeternam.*  
*propter te Domine. Renovo intentionem.*

3. In decursu actionis recordare in-  
sidium Dei in te circa te, ut in ipso  
actionis tuae objecto, praesentis arque  
actantis, ac tecum & cum tuo objecto

con-

concurrentis. Unde dices: *Adoro te Domine, hic praesentem, me videntem mecum concurrentem, me cum hoc objecto praesentem, illuminantem, calefacientem, &c.*

4. Intuere Christum Dominum, B. Virginem, vel Sanctum Patronum, qui perfectione similem actionem illi exequabantur, illos proinde imitando, in unione actionis ipsorum operare. V. G. In comedendo, recordare Christi in nuptiis, in coena ultima. Decumbent in lecto, recordare Christi in praesepio, in Cruce, in sepulchro quiescentis. Vestiendo te, Christi ligati, vestibus ignominiosis induti. Lavando faciem, Christi in sanguine suo demersi. Ambulando, Christi, per plateas ad iudices trahiti, Palaestinam obeuntis. Studendo, Christi docentis, &c.

5. Forma tibi aliquod documentum spirituale ex actione tua, ejusque objecto, cum aliquo affectu proportionato V. G. Lavas faciem? cogita quod sanguis Christi emundat nos ab omni peccato, utinam te emundet! Induis te? cogita exuendum veterem hominem, & induendum D. IESUM, hoc-

hocque pete á Deo. Comedis? cogita aliquas esse istas porcorum; melioribus, in Patria Sanctos abundare panibus, illuc proinde feratur desiderium. Decumbis? cogita fore ut sub te steretur tinea, & operimentum tuum sint vermes.

6. Mortifica te in omni actione; V. G. incommodius sedendo, non carpendo fructum, aut florem, in horto, subtrahendo gustui ad mensam bolum aliquem, B. Virginis gustui transmittendum.

7. Post actionem, age Deo gratias pro cooperatione, pro tuis defectibus; & quidquid boni actum est, offer Deo.

## CAPVT VI.

Orationes ejaculatoriæ per diem usurpandæ.

*Fidei*

**I**n fide vivo Filius Dei, qui dilexit me, tradidit semetipsum pro me.

*Credo*

Credo Dōmine, adiuua incredulitatem meam.

*Spei.*

**D**EUS misericordia mea. *Psal. 58.*

In te Domine spero non confundar in æternum *Psal. 60.*

Dominus firmamentum meum, & refugium meum, & liberator meus. *Psal. 7.*

Dominus mihi adiutor, & ego despiciam inimicos meos. *Psal. 117.*

Spes mea ab uberibus matris meæ, Deus meus es tu. *Psal. 25.*

*Charitas.*

**D**EUS meus & omnia.

Quid volo præter te, Deus cordis mei, & pars mea Deus in æternum.

Serò te amavi pulchritudo infinita, serò te amavi. Væ tempori, quo non amavi te. *S. Augustinus.*

O summum Bonum meum, quando te perfecte amabo?

O quam suavis est Domine Spiritus tuus.

Dulcis & rectus Dominus.

Diligam te Domine virtus mea firmamen-

SEXTVM.

47

mamentum meum & liberator meus.

*Psal: 17.*

Ego autem in Domino gaudebo, & exultabo in Deo JESU meo. *Abac: 3.*

*Contritionis.*

**P**Eccavi Domine, miserere mei.

Pater peccavi in coelum & coram te, non sum dignus vocari filius tuus.

Amplius lava me Domine, ab iniquitate mea, & à peccato meo munda me. *Psal: 50.*

Malo mori quàm foedari.

*Desiderii ad gloriam cœlestem*

**O** Quàm sordet terra dum Coelum aspicio! *S. Ignat.*

Satiabor cum apparuerit gloria tua Domine. *Psal: 16.*

Quàm dilecta tabernacula tua Domine virtutum, concupiscit & deficit anima mea in atria Domini. *Psal: 53.*

Quando veniam, & apparebo ante faciem Dei? *Psal: 41.*

Adimplebis me Domine lætitiâ cum vultu tuo, delectationes in dextera tua usque in finem. *Psal: 15.*

G

Te



Te exquirat facies mea, faciem tuam  
Domine requiram. *Psalms: 26.*

Unam petii à Domino, hanc requi-  
ram, ut inhabitem in domo Domini  
omnibus diebus vitæ meæ.

*Gratiarum Actionis & laudis.*

**B**enedic anima mea Domino, & omnia  
quæ intra me sunt nomini sancto e-  
jus. *Psal: 102.*

Misericordias Domini in æternum  
cantabo. *Psal: 88,*

Exaltabo Te Deus meus Rex, bene-  
dicam nomini tuo in sæcula. *Psal: 144.*

Benedictio, & claritas, & gratiarum  
actio, honor Deo nostro, in sæcula sæ-  
culorum. *Apoc: 7.*

Sedenti in Throno Deo & Agno ho-  
nor & gloria.

Vivat JESUS meus & exaltetur De-  
us salutis meæ.

Benedictus Deus & Pater Domini no-  
stri JESU Christi, qui consolatur nos  
in omni tribulatione nostra. *2. Cor: 1.*

OSS. Patroni mei magnificate Do-  
minum meum, & exaltemus nomen  
ejus in id ipsum.

Magnus Dominus, & magnitudinis  
ejus non est finis. 144.

*Oblationis.*

**D**omine quid me vis facere?

O Domine! ego servus tuus &  
filius ancillæ tuæ, *Psal. 115.*

Tuus ego sum Domine, saluum me  
fac, *Psal. 118.*

Paratum cor meum Deus, paratum  
cor meum. *Psal. 107.*

*In tentatione vel aliquo periculo.*

**D**omine vim patior, responde pro me.  
*Isaia 38.*

Domine salva nos perimus. *Mat. 14.*

Pater salvifica me ex hac hora. *Io. 12.*

Esto mihi in Deum protectorem &  
in locum refugii, ut saluum me facias.  
*Psal. 30.*

Exsurge Domine, saluum me fac De-  
us meus. *Psal. 3.*

Adjutor meus esto, ne derelinquas  
me, neque despicias me Deus salutaris  
meus.

Cor mundum crea in me Deus, &  
Spiritus rectum innova in visceribus  
meis. *Psal. 50.*

*In afflictione.*

**I**Ta Pater, quia sic placitum fuit ante Te.

Deo subiecta esto anima mea, quoniam ab ipso patientia mea. *Psal: 6.*

Benedicam Dominum in omni tempore, semper laus ejus in ore meo.

Sicut Domino placuit, ita factum est, sit nomen Domini benedictum. *Iob: 1.*

In ditione tua Domine omnia sunt posita, & non est qui possit resistere voluntati tuæ: *Esther: 13.*

Domine, hic ure, hic seca, ut in æternum parcas: *S. August:*

Deus meus & omnia. Nunquid tu mihi non sufficis, ut aliquò extra te bono privari doleam? *Lesius.*

Nolo Domine sine vulnere vivere dum te video vulneratum. *S. Bernard.*

Domine auge dolorem, sed auge patientiam. *Pius V.*

Plura Domine & majora mala merui, tu pro me quoque graviora passus es.

JESU mi Crucifixe, serva mihi aliquem angulum in cruce tua. Ecce me ad patiendum pro te, amplius, & amplius,

plius, etiã per æternitatem, & sibi ita vis.  
*P. Francisci Piccolomini Societatis JESU  
 Generalis VIII.*

*In prospero successu.*

**N**ON nobis Domine, sed nomini tuo  
 da gloriam. *Psal: 113.*

Magnificat anima mea Dominum, &  
 exultavit spiritus meus in Deo salutari  
 meo. *Lucæ: 2.*

Dextera Domini fecit virtutem, dex-  
 tera Domini exaltavit me. *Psal: 117.*

Domine quid est homo, quod ma-  
 gnificas eum, aut quid apponis erga e-  
 um cor tuum? *Huc spectant affectus  
 gratiarum actionis supra positi.*

*Dum comedis.*

**S**ATIabor cum apparuerit gloria tua  
 Domine. *Psal. 13.*

Replebimur in bonis domus tue.  
*Psal: 64.*

Dominus meus JESUS in Cruce si-  
 tit, & ego comedam & bibam?

Quàm magna multitudo dulcedinis  
 tue Domine, quàm abscondisti timen-  
 sibus te!

Quanti mercenarii abundant in do-

12. CAPVT

mo Patris mei panibus. & ego hic fame pereo! surgam & ibo ad Patrem meum. *Luc: 5.*

*Cum decumbis.*

**Q**Vando requiescam in illa pulchritudine pacis, in requie opulenta?

In pace in id ipsum dormiam & requiescam, quoniam tu Domine singulariter in spe constituisti me. *Psal: 4.*

Indica mihi, quem diligit anima mea, ubi cubes in illo meridie aeterno. *Cant. 1.*

*Dum ambulas.*

**D**irige Domine Deus meus in conspectu tuo viam meam. *Psal: 41.*

Vias tuas Domine demonstra mihi, & semitas tuas edoce me. *Psal: 24.*

Erravi sicut ovis quæ periit, quare servum tuum Domine. *Psal: 118.*

Surgam & circuibō civitatem, quæram quem diligit anima mea. *In Cant:*

Trahe me Domine post te, curram in odorem unguentorum tuorum. *in Cant:*

Quando veniam & apparebo ante faciem Dei; *Psal: 41*

*Cum*



SEPTIMUM 73

*Cum aliquod obiectum sensu  
percipis.*

**D**electasti me Domine in factura tua,  
& in operibus manuum tuarum ex-  
ultabo.

Benedicite Domino omnia opera ejus  
in omni loco dominationis ejus.

O quàm suavior? quàm dulcior!  
quàm pulchrior es, Deus meus nunquid  
enim tibi plus non reservasti?

CAPUT VII.

**Praxis visitandi Sanctissimū  
Sacramentum.**

I. PRAXIS.

*Induere affectus Sanctorum ado-  
rantium Christum.*

**D**omine JESU Christe Deus & Ho-  
mo, in hoc SS. Sacramento præ-  
sens, ego pulvis tuus & cinis, adoro te  
illo affectu, quo te in cunis adorarunt  
Pastores & Magi. Adoro te illo affe-  
ctu, quo te adorabat viventem hic in  
terris, & nunc in cælo adorat pretio-

C4 *ssissima*

fiffima Parens tua. Adoro te illo affectu, quo te adoravit Centurio, & omnes viatores devote communicantes, quicunque tibi placuerant. Adoro te denique illis affectibus laudis & adorationis, quibus te adorarunt, adorant, & tota æternitate adorabunt omnes Beati exlites. Horum voce & affectu tibi Deo meo hic præfenti canto: Sanctus, Sanctus, Dominus Deus Sabaoth. Dignus es Domine accipere honorem & gloriam & benedictionem. Tibi hic verè præfenti Deo & Agno, fit honor & gloria ab omnibus, in omnibus, super omnia. O si omnium Electorum tuorum corda amore tui inflammatisfima, si ora in laudem tuam eloquentiffima, nunc haberem: omnibus illorum cordibus te amarem, omnibus illorum vocibus te laudarem. Sed quia id præfutare non possum, ecce nunc illorum omnes laudis adorationis, amoris affectus erga te siue elicitos, siue per totam æternitatem eliciendos approbo, & tibi nunc præfento, ac offero in supplementum meæ tepiditatis. Vos verò omnes SS. Angeli vos SS. Patroni mei,

mei, præsertim tu B. Aloysi, adjuvate  
meam impotentiam. Magnificate me-  
cum & pro me istum Dominum meum  
hic præsentem, & exaltemus nomen  
ejus nunc & in æternum, Amen.

## II. P R A X I S.

*Adorare omnia Christi constitutiva.*

**A** Doro te, ó Sapientia Divina, in  
hoc SS Sacramento præsens, quæ  
omnia possibilia & existentia vides,  
ipsumque Deum comprehendis, & quæ  
hoc mirabile Sacramentum invenisti.  
Adoro te hic præsentem, Omnipoten-  
tia Divina, apud quam non est impossi-  
bile omne verbum, quæ omnia in o-  
mnibus operaris, & quæ in hoc Sacra-  
mento, tot stupenda miracula efficis.  
Adoro te hic præsentem, ó immensa  
Bonitas, & liberalitas Divina quæ te  
in hoc Sacramento hominibus tam li-  
beraliter communicas. Adoro te Im-  
mensitas Divina, quæ cum Cælum &  
terram impleas, hic tamen in exigua  
hostia tota lates. Adoro etiam te, ó  
pretiosissima Anima Salvatoris mei,  
in hoc Sacramento verè ac realiter

præfens, cum omnibus potentiis, habitibus, & actibus tuis. Benedictus sit tuus intellectus hic præfens, scientiâ infusa rerum omnium ac visione Dei clarissima illustratus. Benedicta sit Memoria tua hic præfens, quæ omnium hominum, ac mei etiam indignissimi nunquam obliviscitur. Benedicta sit Voluntas tua, tot habitibus virtutum supernaturalium ornata. Benedictæ sint omnes Potentiæ tuæ vitales, quæ suis actibus veniam, gratiam & gloriam nobis promeruerunt. Adoro præterea Te, & complector toto cordis mei affectu Sanctissimum corpus Domini nostri JESU Christi hic realiter præfens, ex purissimo sanguine Virginis Matris opera Spiritûs Sancti formatum, pro salute mea olim crucifixum, nunc verò dotibus gloriosis ornatum. Amplector pedes tuos cum Magdalena. pro me in cruce transfixos. Amplector Manus vulneratas, in quibus omnia bona nostra Pater posuit. Amplector Caput spinis coronatum. Amplector Cor ad me summâ charitate conversum. Amplector omnia & singula vul-

nera

nera tua, omnes guttas Sanguinis, præ-  
tium Redemptionis nostræ. O Domi-  
ne da ut te sub his speciebus Eucharisti-  
cis latentem, dignè adorem & laudem,  
olim verò revelata facie videam in Cœ-  
lo, Amen.

### III. P R A X I S.

*Salutare Christum in suis Officiis.*

**A**ve Domine JESU Christe, in hoc  
Sacramento Deus abscondite, & Sal-  
vator. Tu es Rex meus & Dominus  
meus, ego servus ille tuus debitor, pro-  
cido coram te, agnosco plurima debi-  
ta mea, quæ peccando contraxi, patien-  
tiam habe in me, & dimitte universa  
delicta mea.

Ave Pater misericordissime. En ego  
ad te venio prodigus filius, dissipavi  
substantiam tuam, recessi à te in regio-  
nem longinquam dissimilitudinis, pec-  
cavi in cœlum & coram te, amplectere  
me ad te redeuntem, qui filium prodi-  
gum recepisti.

Ave Magister Sapientissime En ego  
coram te negligens discipulus, doce me  
facere voluntatem tuam quia Deus me-  
us es.



Ave pastor vigilantissime. En ego coram te ovis errabunda. Erravi sicut ovis, quæ periit quære servum tuum.

Ave Medice providentissime, quem Spiritus Domini misit, ut medereris contritis corde. Agnosco infirmitates meas, præsertim N. sana Domine animam meam, quia peccavi tibi.

Ave Dux peregrinationis nostræ. En ego Viator à Patria aberrans, deduc me in semitam mandatorum tuorum: deduc me per vias rectas, & ostende mihi Regnum Dei.

Ave omnium donorum & gratiarum Dispensator. En sto ante te pauper, nudus, miser & miserabilis; omnia tibi dedit Pater in manus. Dives es in omnes qui invocant nomen tuum: das omnibus affluenter; da mihi Domine virtutem N. Da usum salutare hujus SS. Sacramenti, & tandem perseverantiam finalem in gratia tua.

## CAPVT VIII.

*Modus audiendi Sacrum.*

**D**um prodit ad altare Sacerdos, imaginare Filium Dei de arcano Patris

OCTAVVM. 59

Patris sinu, carne nostrâ amictum pro-  
dire ad Sacrificium pro salute nostra  
Deo Patri offerendum, simul etiam vi-  
de pondus peccatorum nostrorum ejus-  
dem humeris impositum, quod inclina-  
tio Sacerdotis sub *Confiteor* significat,  
ubi confessione spirituali peccatorum  
Deo facta, petes contritus indulgentiam  
& absolutionem.

*In Gloria in excelsis.*

REcordare Nativitatis Christi, cumq;  
natum, ac SSS. Trinitatem pro Nati-  
vitate Verbi Incarnati cum Angelis  
lauda, glorifica verbis & affectu hujus  
hymni.

*In Collectis.*

REcole vitam Christi privatam, in qua  
toties ipse pro nobis oravit, & in u-  
nitione harum orationum offert Deo ora-  
tiones Sacerdotis.

*In Epistola & Evangelio.*

EXpende quomodo Christus obeun-  
do Palæstinam prædicaverit Evan-  
gelii doctrinam, pro qua age gratias,  
utque eam exequaris, gratiam pete.

**R**epresentatur ultima Cæna, in qua Christus se ipsum sub specie panis & vini obtulit, & hoc Sacramentum instituit: pro quo age gratias.

*Deinde usq; ad Consecrationem.*

**B**reviter percurrere Passionem Christi Domini, nempe comprehensionem, Flagellationem, Coronationem, Contumelias: eundemque Regem dolorum, ad compensandas ipsi contumelias, cum Sanctis Angelis lauda in Præfatione, cantando ipsi Sanctus, &c. simul etiam pete ut Christum passum imiteris in patientia.

*Elevatio Hostie & Calicis.*

**R**epresentat Crucifixum Dominum, quem cum passione & sanguine ipsius effuso, per manus Sacerdotis offeras Deo in protestationem supremi domini, in gratiarum actionem pro omnibus beneficiis, in satisfactionem pro omnibus peccatis, & ad impetranda varia dona Dei, & gratias, tam tibi quàm vivis & defunctis, pro quibus sigillatim orabis, sub *Memento*.

*Fra-*

**S**ignificabit tibi separationem animæ Christi à corpore, & descensum ad limbum, ubi pete felicem mortem.

*Deinceps usque ad Communionem.*

**I**maginare Christum, de Cruce depositum in ulnis. B. Virginis, cujus affectu amplectèris vulnera Salvatoris tui, Deinde per communionem spiritua-lem, seu per ardens ipsius desiderium invitabis Christum, deponesque in cor-tuum, ceu in sepulchrum, eo tempore, quo Sacerdos communicat; petendo à Christo, ut in te per gratiam suam sem-per maneat.

*Orationes post Communionem.*

**D**enotant Christi apparitiones post resurrectionem: ubi petes gratiam resurgendi à peccatis, & felicem resur-rectionem post mortem tuam.

*Cum sacerdos benedicit.*

**R**ecordare Christi in cœlum ascen-dentis dum elevatis manibus bene-dicebat Apostolis. Pete & supplex re-cipe ab eodem benedictionem.

## CAPVT IV.

Praxis recitandi Coronā B. V.

*Oratio prævia.*

**P**ater æterne, da mihi gratiam laudandi Filiam tuam. Fili Dei unigenite, da mihi gratiam laudandi Matrem tuam. Spiritus Sancte Deus, da mihi gratiam laudandi Sponsam tuam. Tu quoque ô dignissima Virgo & Mater Dei, dignare me laudare Te. Ego hanc Coronam tibi offero per manus Angeli Gabrielis, corde ac ore ipsius, ac totius militantis & triumphantis Ecclesiæ, ad gustum tuum, & gloriam accidentalem; in gratiarum actionem pro omnibus beneficiis Tuis, ad compensandas omnes negligentias meas, in cultu & amore Tui: pro N. N. N. &c.

*PRIMA DECA.**In honorem Conceptæ & nate B. Virginis.*

Pater noster, &amp;c.

**A**ve Maria ab æterno in primogenitam purarum creaturarum electa, Gratia plena Dominus, &c.

2. Pro-



NONUM.

63

1. Promissa & expectata in lege naturæ scripta.
  2. Impetrata precibus steriliū Parentum.
  3. Præservata à peccato originali,
  4. In instanti Conceptionis Tuæ reddita moraliter impeccabilis.
  5. In instanti Tuæ Conceptionis libera à fomite concupiscentiæ.
  6. In instanti Tuæ Conceptionis, gratiâ & omnibus virtutibus super omnes alias creaturas ornata.
  7. In instanti Conceptionis Tuæ, scientiis infusis & usu rationis perfectò prædita.
  8. Nata ad orbis decus & solatium,
  9. Abbe Maria insignita nomine Mariæ die 14. à Tuo natali, *Gratiâ plena, &c.*
  10. JESU tibi sit gloria, &c.
- MARIA Mater gratiæ, &c.

DECAS SECVNDA.

In honorem pueritiæ & Maternitatis  
Marianæ.

Pater noster, &c.

1. Trimula in templo præsentata,  
Trimula votum Virginitatis  
prima emittens.

In

3. In templo contemplationi vacans  
ad 14. annum ætatis.
4. Castissimo Joseph desponsata,
5. Ab Angelo Gabriele salutata,
6. Filium Dei obumbrante Spiritu  
Sancto concipiens,
7. Elisabetham visitans & Jo-  
annem sanctificans.
8. Ob Angorem Sponsi Joseph sollicita,
9. Spatio novem mensium Filium Dei  
in utero portans.
10. Expectans horam Virginei partus,  
JESU tibi sit gloria, &c.  
Maria Mater gratiæ, &c.

## DECAS TERTIA.

*In honorem partus Mariani.*

Pater noster, &amp;c.

1. **A**Ve Maria Bethleem profecta, ibi-  
que locum non habens in diver-  
torio, *Gratiâ, plena &c.*
2. In spelunca Deum hominem si-  
ne corruptione & dolore  
parturiens.
3. Natum ex te Deum hominem  
adorans & amplectens,
4. Deum hominem pannis invol-  
vens, & reclinans in præsepio,

f. De-

5. Deum infantem lactans ubere de coelo pleno,
6. Natum Messiam pastoribus exhibens,
7. Circumciso Deo Filio condolens,
8. Nomen JESU Filio imponens,
9. Tribus Regibus Filium adorandum proponens.
10. In templo primogenitum tuum Deo offerens.

JESU tibi sit gloria, &c.

MARIA Mater gratiæ, &c.

### DECAS QUARTA.

In honorem Desparæ servientis Christo  
usq; ad passionem ipsius.  
Pater noster. &c.

1. **A**ve Maria Fugiens cum Filio in Ægyptum Gratia plena, &c.
2. Per septennium cum Filio in Ægypto exulans,
3. Deum hominem in civitate Nazareth educans.
4. Suavissimo contubernio Dei hominis, pluribus annis fruens.
5. In templo amissum duodennem Filium quærens,
6. Post triduum invento Filio gaudens.

7. Deum

7. Deum hominem Tibi subditum habens.
8. Primum miraculum in Canæ nuptiis à filio impetrans,
9. Verba Filii concionantis in corde tuo conservans,
10. A muliere de turba vocem extollente publicè collaudata,  
JESU tibi sit gloria, &c.  
MARIA Mater gratiæ, &c.

## DECAS QVINTA.

*In honorem planctus Deipara.*

Pater noster, &amp;c.

**A** *Ve Maria* Filio ad mortem abeunti  
valedicens, *Gratiâ plena, &c.*

2. *Abbe MARIA* Compassa Filio capto flagellato,  
spinis coronato,
3. Occurrens Filio crucē bajulanti,
4. Stans juxta Crucem Filii Crucifixi,
5. Joanni à Filio è Cruce commendata,
6. Joannem pro Filio acceptans,
7. Cernens cum dolore Filium morientem,
8. Cernens Filio mortuo latus aperiri.
9. Depositu de Cruce Filium sinu excipiens.

10. Fi-

10. Filium mortuum sepulchro inferens  
JESU tibi sit gloria, &c.  
Maria Mater gratiæ, &c.

## DECAS SEXTA.

In honorem Deiparae gaudiorū & gloriæ.

Pater noster, &c.

1. **A**ve Maria, Redivivi Filii primò  
conspectu & amplexu gaudens.

2. Filium in Coelos ascendentem  
intuens.

3. Spiritu Sancto die Pentecostes  
cum Apostolis repleta,

4. Cum fidelibus in fractione pa-  
nis Eucharistici perseverans,

5. Apostolos in conversione ad  
fidem populorum juvans.

6. Præ amoris Divini vehementia in  
complexu Filii, & corona Apostolo-  
rum suavissimè expirans,

7. Apostolorū humeris ad tumulū elata.

8. Cum anima & corpore ad Cælos as-  
sumpta,

9. Ad Filii dexteram supra omnes An-  
gelos exaltata.

10. Coeli terræque Regina declarata,  
JESU tibi sit gloria, &c.

MARIA Mater gratiæ, &c.

Gratia plena, &c.

Ave MARIA

Ter-



*Pater noster, &c.*

*Ave Maria* Laureolâ Martyrû coronata.

*Ave Maria* Laureolâ Doctörû coronata.

*Ave Maria* Laureolâ Virginû coronata.

*Credo, & Magnificat, &c.*

*Præxi recitandi Corollam 12. stellarum seu virtutum Deiparæ,*

*Dignare, me, laudare te Virgo sacrata*  
*Da mihi virtutem contra hostes tuos.*

*Pater noster, &c.*

*In honorem Dei Patris amanti*  
*B. V. M. ut filiam.*

1. **A**ve Maria charitate Dei ardentissima, gratiâ plena, &c.
  2. Ave Maria religione erga Deum ornatissima.
  3. Ave Maria pientissima.
  4. Ave Maria obedientissima.
- Pater noster, &c.*

*In honorem Filii amanti B. V.*  
*ut Matrem.*

5. Ave Maria misericordissima.
6. Ave Maria liberalissima.

7. Ave

DECIMUM.

7. Ave Maria mansuetissima.

8. Ave Maria patientissima.

Pater noster, &c.

*In honorem Spiritus S. amanti B.*

*Virginem ut Sponsam.*

9. Ave Maria Castissima.

10. Ave Maria pauperrima.

11. Ave Maria prudentissima.

12. Ave Maria veracissima.

*In fine Salve Regina.*

CAPUT X.

*Varie Corone per hebdomadam  
dicende.*

**D**e Dominico in honorem SS. Tri-  
nitatis recitetur in Majoribus glo-  
bulis *Sanctus, Sanctus, Sanctus Dominus*  
*DEVS Sabaoth, plena est omnis terra glo-*  
*ria ejus. In minoribus verò globulis:*  
*Gloria Patri, &c.*

*Feria Secunda In honorem Angelī*  
*custodis, in Majoribus globulis dica-*  
*tur: Sancti Angeli custodes nostri, defen-*  
*dite nos in prelio, ut non pereamus in tre-*  
*mendo Dei judicio, in minoribus autē di-*  
*catur:*

7. Ave

catur: *Angele DEI, qui custos es mei, me tibi commissum pietate supernâ custodi, rege & gubernâ.*

*Feriâ Tertiâ.* In honorem Beati Stanislai, dicatur in Majoribus globulis: *Gloria Patri.* In Minoribus: *Ave Beate Kostule, Cœlestis horti floscule, meis da JESVM fletibus, da Dominum gemitibus.*

*Feriâ Quartâ.* Recitetur in Majoribus globulis: *Pater noster.* In Minoribus verò: *Deus meus & omnia, amo te super omnia.* Vel: *Deus meus sis benedictus in æternum.* Vel: *Deus propitius esto mihi peccatori.*

*Feriâ Quintâ.* In honorem SS. Sacramenti. In Majoribus globulis: *O salutaris hostia.* In Minoribus: *Laudetur SS. Sacramentum.*

*Feriâ Sextâ.* In honorem Passionis Domini. In Majoribus globulis: *Adoramus Te Christe & benedicimus Tibi quia per S. Crucem Tuam redemisti mundum.* In Minoribus verò: *Qui passus es pro nobis JESU Christe miserere nobis.*

*Sabbato.* In honorem Beatæ Virginis. In Majoribus globulis recitetur: *Ave Filia Dei Patris, Ave Mater Dei Filii,*  
*Ave*

*Abe Sponsa Spiritus S. In Minoribus autem repetatur suprema vox morientis S. Francisci Xaverii illa: Mater Dei memento mei. Vel Beati Stanislai: O Maria sis mihi propitia.*

## CAPVT XI.

Observanda circa Confessionem Sacramentalem.

*Ante Confessionem Actus.*

1. Confundere, ac erubescere cum publicano, nolente oculos ad Coelum levare.

**D**Eus infinitæ Majestatis, confundor & erubesco ante te, quod tantâ scorditate peccatorum, animam meam, sanguine Filii Dei emundatam, contaminaverim. Quod contra te Patrem, ego ingrattissimus filius; contra te supremum Principem, ego rebellis servus; contra te Deum meum, ego vilissimus terræ vermiculus insurrexerim. Quod denique me tam exosum oculis tuis ac B. Virginis totiusque curæ Cœlestis reddiderim. Ah quàm inops sum, quàm

**D**

nudus,

nudus, gratiâ tuâ spoliatus, quàm dignus sum ab omnibus creaturis contemni & odio haberi, propter peccata mea.

2. Admiraberis Dei erga te longanimitatem.

**ET** quomodo, ô Iudex iustissime omnem contra me non inarmasti creaturam? Quomodo me vivum terra non absorbit? Cur in me fulmina de Cœlo non ruerunt? Tua hoc clementia effecit, ô Pater misericordiarum, qui me tunc etiam, cum te peccato oppugnabam, ad ubera tuâ gestabas, qui me ad hanc insuper pœnitentiam non solum expectasti, sed etiam vocasti, & nunc amplexum, & oscula mihi paras filio prodigo.

3. Deprecaberis Deum offensum.

**F**Retus ergo misericordiâ tuâ, quæ peccatores recipis, ad te venio è regione longinqua dissimilitudinis, prodigus filius procido coram te cum servo debitore, provolvor ad pedes tuos cum Magdalena, & affectu omnium pœnitentium; qui tibi aliquando placuerunt, misericordiam supplex imploro. Peccavi Domine, miserere mei.



patientiam habe in me : propitius esto mihi peccatori.

4. Retractio, & Dolor.

**D**Amno Domine, revoco, & detector omnia peccata mea, ideo quia tibi displicent simulque super omnia doleo ex motivis omnium virtutum, quia te aliquando Deum meum offendi. Doleo ex motivo Charitatis, quia tibi summo omni amore dignissimo, materiam displicentiæ præbui. Doleo ex motivo Spei, quia me à te ô Beatitudo mea averti, & finem ultimum in creatura constitui. Doleo ex motivo Religionis, quia tibi excellentissimæ Majestati, cultum debitum peccando subtraxi. Doleo ex motivo obedientiæ, quia tibi Supremo Legislatori inobedientem me præbui. Doleo ex motivo Gratitude, quia tibi maximo Benefactori, pro tot beneficiis, tot offensas ingratus exhibui. Doleo ex motivo justitiæ, quia juri tuo supremo, quod habes in me, contraveni. O utinam exitus aquarum deducant oculi mei, quia non custodièrunt legem tuam! O utinam nunc omnium poeniten-

tium, lacrymas, contritiones, & amaritudines habeam, quibus defleam peccata mea.

5. Propositum.

**A**H quando tandem finis turpitudinis meae! dixi nunc coepi, statuo firmiter Domine cum auxilio gratiae tuae, omnia peccata, praesertim N. omnesq; peccatorum occasiones diligenter vitare. Protestor coram te & curiam tuam coelesti universam, quod malim mori, & omnia adversa pati, quam te peccato mortali offendere. Demergo igitur animam meam in sanguinem tuum pretiosissimum, tempore Passionis tuae in ablutionem peccatorum effusum, & per eandem passionem, ac mortem tuam, te rogo, ut deleas iniquitatem meam. Amplius lava me Domine ab iniquitate mea, & à peccato meo munda me.

*In ipsa Confessione.*

**P**etita à sacerdote benedictione, recita imprimis confiteor. Deinde humiliter, distinctè, integrè, cum circumstantiis necessariis, ac numero peccatorum graviorum non secus ac reus coram Iudice Deo, enumera  
peccata

# VNDECIMVM. 75

peccata tua, hoc ordine, ut primo dicas  
peccata, quæ respiciunt Deum, deinde illa,  
quæ proximum concernunt, ac demum quæ  
te ipsum hoc, vel simili modo :

## Peccata contra Deum.

**A**ccuso me de omni tepiditate in cul-  
tu, & amore Dei, Beatissimæ Virgi-  
nis, & Sanctorum Patronorum.

Coronas, examina conscientiæ, alia-  
que consueta exercitia pietatis, quando-  
que negligenter, non cum debita atten-  
tione, & reverentia, ac devotione absolvis  
aut omisi ex negligentia,

Missæ sacrum die profesto ex negli-  
gentia omisi, aut etiam die festo.

Confabulatus sum in templo contra re-  
verentiam SS. Sacramenti.

Juravi temerè, vel falsò tories.

Inspirationibus divinis sæpè non obe-  
divi.

Omisi ex negligentia Indulgentias, ali-  
asque occasiones meritorem.

Mentem ad Deum rarò elevabam;  
nec memoriâ præsentis Divinæ ha-  
bere studui.

Pro beneficiis à Deo acceptis gratias debitas ipsi non agebam.

Angelo Custodi debitam non exhibebam reverentiam.

Non excitabam in me desiderium videndi Deum in Cœlo, &c.

Intentionem rectam in meis actionibus non habui.

*Contra proximum.*

**M**Otibus iracundiæ inhaesi contra proximum.

Locutus sum verba aspera, mordacia, contumeliosa.

Imprecatus sum malum, eidem seriò, deliberatè, vel signa impatientiæ alteri ostendi.

Detraxi famæ alterius graviter vel leviter.

Detrahentes non impediui.

Dehonoravi personam alicujus auctoritatis.

Seminavi discordias inter aliquos,

Invidebam aliis laudem vel honorem.

Injustè accusavi alterum cum damno ipsius gravi vel levi.

Damum alteri feci in bonis fortunæ

Per-

Percussus alterum graviter, vel levi-  
ter.

*Contra seipsum.*

**C**ogitationibus superbis, vanæ glo-  
riæ, vel nimie de me præsumptionis,  
inhæsi.

Ambivi vanam laudem apud homines.  
Aliqua dixi ad laudem mei pertinentia.  
Imaginationibus impuris negligenter  
restiti, vel iis inhæsi; & delectatus sum  
deliberatè, vel non.

Dedi iisdem occasionem, & qualem.

Colloquia obscena cum scandalo in-  
stitui, & audiui cum delectatione, vel non  
impedivi toties.

Negligens fui in custodiendo aspectu  
aliisque sensibus.

Curiosus fui in videndo, in audiendo,  
loquendo.

Temperantiam debitam in cibo, potu  
non servavi.

Tempus otiosè consumpsi.

*In fine.*

**D**E his atque de omnibus totius vitæ  
meæ peccatis præsertim de omni-  
bus impatientiis & verbis otiosis accu-



so me, doleo super omnia, ex amore Dei summi Boni, propono cum Dei gratia emendationem, peto pœnitentiam, & absolutionem.

*Post Confessionem.*

*Conferes te illicò ad agendas Deo gratias pro Beneficio absolutionis, confirmando propositum, & petendo perseverantiam in gratia Dei quam in hoc Sacramento obtinuisti, quod fieri potest, hoc vel simili modo.*

**B**ENIGNISSIME JESU, reverteror ad te cum leproso mundato, & cadens in faciem meam ante pedes tuos, gratias ago, quia me à lepra peccatorum sanguine tuo emundasti. Benedicta sit in æternum bonitas tua, quæ me respexit longè errantem, & non projecit à facie sua me canem foetidum, sed omnia peccata mea post tergum suum projecit. Quis sum ego Domine, quia dignatus es me rebellem tibi, me tuum contemptorem, me vilissimum terræ vermiculum, me fugitivum, tam benignè trahere ad te, tam misericorditer osculo pacis donare. Tua hoc bonitas facit  
 o Pater misericordiarum, qui me pro  
 digum

VNDECIMVM. 79

digum filium ad te reducem suscepisti, stolâ gratiæ induisti, paterno amplexu dignatus es. Misericordias igitur tuas in æternum cantrabo, & benedicam te in omni tempore, qui propiciaris iniquitatibus meis, qui sanas omnes infirmitates meas, qui redimis de interitu vitam meam, qui coronas me in misericordia, & miserationibus tuis.

Quis vero jam amplius me separabit à te ô bone Jesu; an tribulatio? an voluptas? an mors? Nihil horum cum gratia tua mi Deus. Statuo firmiter custodire Iudicia justitiæ tuæ. Malo mori quàm scèdari, quia mihi bonum est adharere tibi, quia tu omni amore dignus es.

Confirma Domine hoc propositum, quod in me operatus es. Adjuva me ô Jesu, virtus mea, firmamentum meum, refugium meum, & liberator meus.

Adesto mihi Divina Mater, peccatorum refugium. Adeste Beati Coelites, Patroni mei.

Quia verò adhuc tibi Domine ita debitor sum, ut non habeam unde de meo satisfaciám; idcirco quidquid mihi de-

est, suppleo ex meritis tuis infinitis, quæ tibi una cum meritis Pretiosissimæ Matris tuæ; & omnium tuorum Electorum, offero in satisfactionem pœnæ debitæ pro peccatis meis. Offero simul etiam cum illis meam hanc exilem satisfactionem Sacramentalem, quam nunc amore tui facio, ipse vindex scelerum meorum: tu eam suscipe & salva me.

*Hic absolue pœnitentiam cum sit pars integralis hujus Sacramenti, ne protrahæ ad statum peccati mortalis, tibi parum, aut nihil prosit.*

## CAPUT XII.

### Praxis sacrae Communionis.

#### *Ante Communionem.*

**P**Ræmittenda est duplex præparatio. Remota, & Proxima. *Remota* consistit.

1. In puritate cordis, non solum à fordibus peccati, sed etiam ab affectu inordinato ad aliquam creaturam. Nam ut ait Spiritus Sanctus, anima saturata bonis terrenis, calcæ hunc Cœlestem favum Eucharistiæ.

2. Cog-

## DVODECIMVM.

2. Consistit in aliqua mortificatione pridie Communionis faciendâ, quæ mortificatio potissimum afficere debet linguam, & gustum, quibus immediatè percipimus Sanctam Eucharistiam, ut sic agnus iste immaculatus sumatur cum lactucis acerbis, & agrestibus.

3. Consistit in excitatione ferventis desiderii ad imminentem brevi Communionem. *Proxima* verò præparatio complectitur hos affectus.

### Actus Fidei.

**C**redo firmâ fide, Domine Jesu Christe, propter tuam revelationem, te sub accidentibus Eucharisticis, esse verè, & realiter præsentem, unâ cum Divinitate, animâ, corpore, & sanguine tuo pretioso, & quidem per conversionem totius substantiæ vini in sanguinem. illum inquam Deum te præsentem credo, & confiteor in hoc Sacramento, qui ex Patre genitus es, ante omnia sæcula eidem consubstantialis; qui pro salute nostra incarnari, nasci, pati, & mori voluisti, qui denique à mortuis rediivus nunc ad dexteram Dei sedes,

Iudex vivorum, & mortuorum. Tu es ipse Rex meus. Tu Rex gloriæ Christi: Tu Patris sempiternus es Filius. Tu ad liberandum, suscepturus hominem, non horruisti Virginis uterum. Tu ad dexteram Dei sedes, in gloria Patris, &c.

*Actus Gaudii.*

**G**Aude, & exulta anima mea, ecce Rex tuus venit tibi. En ipse stat post parietem, & velamen istorum accidentium Panis. En pulsat ad cor tuum, ut ipsi aperias. O quanta mea felicitas! Regem cœli, & terræ meo suscipiam hospicio, illum complectar, quem castis suis visceribus, quem in ulnis suis Virgo Mater gestavit, cujus visione omnes Beati in cœlo satiantur, &c.

*Actus Humilitatis.*

**S**ed unde hoc mihi, ut Dominus meus veniat ad me? Quis enim ego sum Domine? & quis tu? Tu candor lucis æternæ, infinita puritas: ego putredo, ego summa foeditas. Tu immensa Majestas, ego vermis, & cinis, Ergo ne parum est, tibi semel in stabulo pro me

MACCII



## DVODECIMVM

33

natum esse, quia iterum hodie ad sterquilinum cordis mei intrare desideras? O Domine, exi à me, quia homo peccator sum: non est bonum, hunc panem filiorum, mihi cani putrido dare: non expedit hanc Redemptionis nostræ gemmam pretiosam ante porcum projicere.

### *Actus Spei.*

**A**T scio Domine, quia etiam catelli edunt de mensis Dominorum suorum, scio quia debiles, & claudos ad cœnam tuam invitasti, quia cum peccatoribus manducasti, quia filium prodigum ad te reducem vitulo faginato tractasti. Audio etiam ex hoc Sacramento illam suavissimam vocem tuam: Venite ad me omnes qui laboratis & onerati estis, & ego reficiam vos. Accedo ergo ad te fretus bonitate tuâ & clementiâ infinitâ, cum publicanis, & peccatoribus: venio cum filio prodigo, Pater benignissime, fac me hodie, sicut unum de mercenariis tuis, qui in domo tua abundant panibus, ego enim fame pereo. Ecce infirmus sum, ad te ergo

ergo Medicum venio. Immundus sum, ac sitiens; ergo ad te curro, fontem omnis puritatis. Frigidus, ac tepidus sum, ergo ad te propero, ignis, qui semper ardes, & nunquam extingueris, ut amore tuo accendar, & consumar. Tenebrosus sum? ergo ad te festino, ut illuminer a te ô lux mundi, ô Sol Justitiæ. Viator sum errans in via ad patriam? ergo ad te confugio, qui es dux via, veritas, & vita.

*Invocatio Sanctorum.*

**P**retiosissima Mater Dei, vosque omnes; Beati Coelites, invitate quæso hunc Regem vestrum ad tuguriolum cordis mei, præparate illud tanto hospiti, affectibus. Ornate illud vestra castitate, ô SS. Virgines; vestra humilitate, Confessores; vestra patientia, Martyres; vestra charitate, Apostoli; vestra fide, Patriarchæ & Prophetæ; vestra devotione, Angeli, & Archangeli. Tu verò Mater Misericordiæ, depones ex ulnis tuis virginis hunc filium tuum, in sinum cordis mei, sicut illum in duro præsepio reclinaisti, simulque

concede mihi illos affectus amoris, quibus solebas eum amplecti, stringere, osculari.

*Desiderium, & Invocatio Christi.*

Quis mihi det te ô dulcissime JESU sugentem ubera Matris meae, ut amplecter te, & deoscular; Pater æternæ, qui sic dilexisti mundum, ut ei unigenitum Filium tuum dares, da mihi nunc eundem. Fili unigenite Dei, qui de sinu Patris ad terram descendisti. descende Domine ad cor meum. Spiritus Sancte, qui Beatam Virginem Mariam dignum habitaculum Filio Dei fecisti, effice in me quoque hospitium Filio Dei. Desidero te millies mi JESU, quando venies, me lætum quando facies? Quid mihi est in Cœlo, & præter te quid volo in terra? Deus cordis mei, & pars mea Deus in æternum. Quemadmodum desiderat cervus ad fontes aquarum, ita desiderat anima mea ad te Deus. Paratum cor meum: paratum cor meum. Veni Domine & noli tardare, veni dulcedo mea, veni requi-

requies mea, salus animæ meæ, Deus,  
meus, & omnia.

*Post Communionem.*

Salutatio Christi, & Adoratio.

**D**esideratissime hospes animæ meæ,  
procumbo ad pedes tuos cum Ma-  
gdalena, teque supplex saluto in corde  
meo, &c. *Vide quæ supra dicta sunt Cap. 6.*

*Affectus Amoris.*

**J**ESU dulcis hospes animæ meæ, te  
super omnes divitias, honores, vo-  
luptates, & super omnia bona creata  
estimo, & amo purè propter te, & bo-  
nitatem tuam infinitam. Estimo autem,  
& amo te, quantum est ex me, summe;  
intensive, Sepaphicè, Marianè, Thean-  
dricè, modis possibilibus mihi, gratissi-  
mis tibi, tibi debitis, te dignis. Am-  
plector pedes tuos, pro salute mea cla-  
vis transfixos, exosculor manus vul-  
neratas, exosculor latus sacratissimum  
lanceâ perforatum. Amplector, & exo-  
sculor caput spinis coronatum, & omnia,  
ac singula vulnera, quæ pro nostra re-  
demptione pati voluisti. Amplector  
autem te affectu Beatissimæ Virginis  
Mariæ

*DUODECIMUM.* 87

Matris, affectu S. Iosephi, B. Aloysij, &c.  
& omnium Electorum tuorum, siue com-  
prehensorum. O quis mihi det illorum  
corda, & affectus, ad te, mi Jesu diligen-  
dum? gaudeo quod ab illis ameris per-  
fecte, eorumque affectus siue iam elici-  
tos, siue totâ æternitate eliciendos, tibi  
nunc offero, una cum illo effectu, quo te  
SS. Trinitas amat. Sancti Patroni mei  
amate in corde meo, laudate, & magni-  
ficate mecum hunc Dominum meum. &  
exaltemus nomen ejus in id ipsum.

*Gratiarum Actio.*

**L**iberalissime Domine, quomodo tam  
copiosè super me indignissimum  
effundis beneficia tua; Quid tibi in me  
placuit, quod ab æterno de me cogita-  
sti, meque charitate perpetuâ dilexi-  
sti: & ut spero, ad gloriam æternam  
prædestinasti: Quid promerui, quod  
me in tempore ex nihilo creasti, reli-  
ctis in abyssu nihili infinitis creaturis  
melioribus? Quod me tibi temper re-  
bellem hucusque conserva, & in sinu  
suo portas? Quid dignum in conspe-  
ctu tuo



Et tu tuo egi, quod pro me seruo tuo  
 redimendo incarnari, nasci, laborare,  
 pari, ac mori voluisti? quod mihi re-  
 liquisti infinita merita tua, doctrinam  
 exempla, Sacramenta? Quod me toties  
 non lacte, ut mater filium, sed corpo-  
 re, & sanguine tuo reficis, & nunc eti-  
 am refecisti? Quod denique me tot  
 gratis habitualibus ornasti, tot gratiis  
 actualibus præuenisti, & adiuuisti? A-  
 gnosco & amplector viscera pietatis  
 tuæ, quibus me diligis, agnosco mise-  
 ricordes oculos, quibus respexisti su-  
 per canem mortuum, similem mihi;  
 atque pro hac tua liberalitate, ac pro  
 omnibus & singulis beneficiis, præfer-  
 tim pro isto ad me hodierno descen-  
 su, tibi gratias ago in unione omnium  
 affectuum, quibus te laudant Sancti  
 tui in cælo. Benedic anima mea Do-  
 mino, & omnia quæ intra me sunt no-  
 mini sancto ejus. Benedicam Domi-  
 num in omni tempore, semper laus  
 ejus in ore meo.

*Oblatio Sui.*

**S**ed quid retribuam Domino pro o-  
 mnibus

omnibus quæ retribuit mihi? Nihil habeo Domine, nisi ista duo ara minuta, corpus, & animam, nisi me ipsam & quidem iam tot titulis tibi debitum. Me ipsum ergo tibi in Sacrificium trado, & offero. Suscipe Domine intellectum meum, & Memoriam ut de te, propter te cogitem. Suscipe Voluntatem, ut id velim quod tu vis, id nolim quod tu non vis. Suscipe Cor meum, ut te solum amet. Suscipe denique omnes animæ mez, & corporis Potentias ac virea, ut in omnibus suis operationibus, ad solam nominis tui gloriam tendant.

*Petitio.*

**D**omine non dimittam te, donec benedixeris mihi. Benedic quæso sicut vis, scis, & potes cordi meo, ut te diligat. Benedic omnibus animæ mez facultatibus, ne te unquam offendant. Da mihi veniam peccatorum meorum, da profectum in virtute præsertim N. Da usum salutarem hujus Sacramenti, ut in fortitudine cibi hujus, coram te ambulem perfectè  
donec.

donec perveniam ad te ô Deus meus,  
unicum, ac summum bonum meum.

*Ad B. Virginem.*

**A**D te etiam supplex accedo Virgo  
& Mater Dei, ac Domina mea.  
Ago tibi gratias, quod hunc Filium  
Dei, Dominum meum, quem ego nunc  
in Sacramento suscepi, in uterum tu-  
um suscepisti, quod ei sanguinem tu-  
um purissimum ad formandum hoc  
corpus suppeditasti, quod illum pro  
hoc usu meo nutritivisti, & educasti.  
Beata viscera tua, quæ portaverunt  
hunc æterni Patris Filium, & beata u-  
bera, quæ lactaverunt Christum Domi-  
num. Tu in me illum amplectere;  
Tu illi canta in corde meo illud tu-  
um Magnificat, quo SS. Trinitatem  
delectasti: Tu mihi concede illos tu-  
os affectus amoris, quibus eundem si-  
ve in utero, sive in ulnis tuis prose-  
cuta es: ac demum impetra quæso  
mihi ab illo vel micam donorum, &  
gratiarum, quas ipse tibi pro hospitio  
rependit.

\*\*\*\*\*

## C A P V T XIII.

Actus Virtutum Theologicarum, & Moraliũ.

*Habentur in Corde Sancto Theophili Mariani, à nobis edito, quò Lectorẽ remittimus.*

\*\*\*\*\*

## C A P V T XIV.

Praxis laudandi Deum.

**I**N qualibet creatura, quam sensu percipis, adora, lauda, & ama aliquam perfectionem Dei, in tali creatura refulgentem. v. g. in cœlo magnitudinem, in sole charitatem, in flore pulchritudinem: *O quàm pulchrior, quàm clarior Domine, &c.*

2. DEO age gratias pro creatione, conservatione, cooperatione, gubernatione,

tionem, omnium & singularum creaturarum. O Domine sis benedictus in æternum, qui me cum hoc Sole illuminas, cum hoc igne calefacis, cum hoc flore recreas, &c. Quot stellæ in cælo, quot guttæ in mari, quot atomi in terra, quot creaturæ in hoc universo sunt, fuerunt, & erunt, toties te pro omnibus & singulis momentis creationis ipsarum, & conservationis, nec non concursus tui cum ipsis, laudo & glorifico.

3. Omnia bona opera omnium hominum, & Angelorum, quæ tibi Domine unquam placuerunt, vel adhuc placebunt, approbo, & tibi offero ad gustum tuum: è contra quot peccata in hoc universo fuerunt, sunt, & erunt, toties illa detestor, & retracto, teque amo super omnia, in recompensationem aliquam pro illis.


4. Facio tale pactum ô Deus tecum. Quoties per hunc diem respirabo, toties in me volo trahere corda, & affectus electorum tuorum, atq; illis toties te amare, & laudare, & quidem in proportionem geometrica dupla; ita

ut sequens



ut sequens affectus sit duplo intensior,  
quàm fuerit præcedens.

5. Conversus ad quatuor Orbis partes, quater genu flecte, adorando Deum nomine omnium hominum in mundo viventium; præsertim fidelium & peccatorum, dicendo cum Seraphinis *Sanctus, Sanctus, Sanctus Dominus DEVS* Vel: *Regi sæculorum immortalis, soli Deo honor, & gloria*



## C A P V T X V.

De modo colendi Christum Dominum, & Festa ipsius per Annum celebrandi.

*Universaliter ad cultum Christi Domini hac conducent.*

*Frequens*

1.

**F**Requenter illum adorare, five in Eucharistia, five in cœlo, ubi illum contemplaberis ut Gabernatorem, ut sumum Pontificem, ut omnium gratiarum Dispensatorem, dicesq; dum cœlum aspicias : *Sedenti in Throno DEO, & Agno honor, & gloria.*

2. Desiderare, & procurare, ut gloria, & amor Christi promoveatur ubique, & semper.

3. Procurare, ut actiones tuæ sint similes actionibus ipsius.

4. De illius officijs, excellentijs, ac meritis, loqui, legere, meditari.

5. Honorare illum in proximis tantumquam Caput in membris.

6. Offerre sæpius ipsius merita, SS. Trinitati, offerre etiam Patri æterni illud Sacrificium, quod Christus Dominus perpetuo offert in Cœlo : *Pater respice in faciem Christi tui.*

7. Elicere 33. affectus erga Christum, in honorem 33. annorum ipsius vite. Sunt autem hi, vel similes.

Affectus.

Affectus  
Qui  
sunt

Jesus  
Ilati  
Domin  
2. F  
credo,  
Irmifi  
3. S  
pero,  
iam, &  
4. A  
super o  
igo to  
5. G  
eum to  
gaudeo  
benefic  
6: G

*Affectus erga D. Iesum.*

Qui etiam disponi pos-  
sunt per decades Co-  
ronæ.

*I. Adoratio.*

Jesu Excellentissime, te adoro culta  
latriæ verum DEVM ac supremum  
Dominum meum.

2. *Fides.* JESU Veracissime, in te  
credo, & omnia quæcunque revelasti,  
fidelissime amplector propter te.

3. *Spes.* JESU Benignissime, in te  
spero, & per, merita tua, veniam, gra-  
tiam, & gloriam.

4. *Amor.* JESU Amabilissime, te  
super omnia bona creata æstimo, ac di-  
ligo toto cordis mei affectu.

5. *Gratulatio.* JESU Perfectissime,  
cum tota Ecclesia gratulor tibi, &  
gaudeo de tua Divinitate, de omnibus  
beneficijs tuis.

6. *Gratitudo.* JESU Beneficentissime

E

pro tua

Affe.

pro tua incarnatione, doctrina meritis,  
Sacramentis & pro gratiis omnibus,  
sis benedictus in æternum.

7. *Zelus gloriæ Christi.* JESU Ho-  
norabilissime, desidero, ut ab omnibus  
creaturis rationalibus super omnia lau-  
deris, & ameris in æternum.

8. *Dolor.* JESU Dignissime, doleo  
super omnia mala, de omnibus pecca-  
tis, negligentijs, ac irreuerentijs, quibus  
aliquando a me, & ab omnibus  
peccantibus offensus es.

9. *Oblatio sui.* JESU Liberalissime  
totus sum tuus, eroque in æternum  
sicut tu totus meus esse voluisti.

10. *Petitio.* JESU Misericordissime  
per vulnera tuâ esto mihi JESUS &  
Saluator nunc, & in morte mea.

*Hi affectus cum semper usurpari pos-  
sint, sunt tamen alii, qui magis sunt ad  
commodati singulis festis Saluatoris, a  
quibus aliquid dicendum.*

### In Adventu Exercitia.

#### I.

**V**isitabis sæpius in utero Beatiffi-  
mæ Virginis Christum, tanquam  
in care

# DECIMUM QUINT.

in carcere pro liberatione tui existen-  
tem, & in honorem novem mensium,  
quibus ibi mansit, elicies novem ac-  
tus, quales sunt, Fides de Incarnati-  
one Verbi Divini, Adoratio ejusdem  
Verbi Incarnati, Amor ejusdem, in v-  
nitione amoris, quo illum in utero sub  
amavit Beatissima Virgo, Gratiarum  
Actio pro beneficio Incarnationis, &  
similes.

2. Quoniam DEUS per Incarnati-  
onem specialiter manifestavit sua attri-  
buta, benedices omnia, & singula, hoc  
modo : Domine sit Benedicta ab om-  
nibus super omnia, tua Potentia, quam  
ostendisti uniendo tam mirabiliter ver-  
bum humanitati. Sit benedicta Sapi-  
entia tua, qua invenisti modum tam  
proportionatum salvandi genus huma-  
num. Sit benedicta Liberalitas tua,  
qua nobis Filium tuum, & omnia cum  
illo donasti. Sit Benedicta Miseri-  
cordia tua, qua nostras misérias susce-  
pisti. Sit benedicta Justitia, cui ut sa-  
tisfaceres ad æqualitatē pro nostris pec-  
catis carnem passibilem suscipere vo-  
luisti. &c.

E 2

3. Imi-



3. Imitando VERBUM Incarnatum, in honorem ipsius muti, & humiliati, hoc tempore exercebis te potissimum in refrenandis vitiis linguæ, & in actibus humilitatis. Item ad imitandam unionem hypostaticam, exercebis te in v-nione morali cum DEO, quæ consistit in destructione amoris proprii, qui est velut substantia hominis veteris & terreni, & in amore DEI, per quem homo unus cum Deo Spiritus efficitur.

4. Petitiones hoc tempore istæ possunt esse? VERBUM Incarnatum, de cælo in terram descendens, da, ut ego hinc in Cælum tendam, & perueniam. Fili DEI, qui factus es filius hominis, da, ut ego fiam Filius DEI.

O Sapientia Incarnata, quæ ad me docendum venisti, da ut obleruem doctrinam tuam.

Tessera hoc tempore frequenter repetenda, sit hæc : *Veni Domine. & noli tardare.*

*In Nativitate Domini.*

I.

**A**liquoties de die, nunc cum Floribus

floribus, nunc cum Angelis cantantibus : Gloria in Excelsis, nunc cum magis, salutabis, & adorabis in stabulo Christum natum, hoc modo : VERBVM Incarnatum, adoro in hoc parvo tuo corpusculo, immensitatem tuam, qua cœlum & terram imple. Adoro in hac paupertate divitias gloriæ tuæ. Adoro in hac tenella ætate, tuam æternitatem. Adoro in hac muta infantia tuam sapientiam infinitam. Adoro in hac carne mortali tuam immortalitatem. Salve Rex Regum, Rex pacifice Princeps pacis, veni & impera nobis. Salve ô lux mundi illuminans pastores : illumina quæso tenebras meas. Salve pastor, quarens in hoc stabulo ovem perditam : quære me, quia ovis sum perditus. Salve Magister veritatis, docens ex hac Cathedra præsepîi : doce me facere voluntatem tuam.

2. Toto die per imaginationem versaberis in sacro stabulo, in quo natus est Christus. Itaq; decumbes prope bovem, & asinum, qui Christo præstabant obsequium. Dum te indues, recordaberis fasciarum Christi Infantis. Dum comedes, recordaberis lactis vir-

ginei, quo Christum Virgo Mater nutriebat. Audiendo eantum, recordaberis cantus Angelici in stabulo. Dum examen facies, putabis te cum S. Josepho verrere stabulum, juxta illud Davidis : *Scepebam Spiritum meum.*

3. Communio sacra sic fieri potest. Cor tuum est stabulum, in quo Christus nasci debet per gratiam, quam immun- dum & bestialibus affectibus plenum ! *Primo* ergo te humiliabis coram DEO. *Secundo.* Emundabis cor tuum per contritionem. *Tertio.* Videndo quod non sit locus Christo nato in diversorio, invitabis eum ad cor tuum, petesque a Beatissima Virgine, ut filium suum in corde tuo tanquam in duro præsepio deponat. *Quarto.* Sic introducto Christo per Communionem ad stabulum cordis tui, varia illi obsequia præstabis : itaque adorabis eum cum Pastoribus, ac Magis, offeresque aliquam spontaneam incommoditatem, quam suscipies in honorem Christi, aliquid simile in sua Nativitate patientis. Complecteris ipsum affectu Sancti Josephi, & Beatissimæ Virginis, ac velut Bos, & Asinus, comparatus scilicet jumentis insipientibus, eundem a-

DECIMUM QUINT:

101

dem amore tuo ferventi calefacies. Ligabis fasciis non tam illum, quam tuam rebellem voluntatem, faciendo aliqua facta proposita. Parabis baneum illi ex lacrymis contritionis, & compassionis erga Salvatorem tuum jam in sua Infantia pro te pati incipientem. *Quinto* Obturabis scramina sensuum tuorum, interdum custodiendo oculos, linguam, aures, ne ventus frigidus tepiditatis incommodum offerat Christo, quem in cor tuum suscepisti.

*Tertio* hujus diei, ad singulas horas pronuncianda hac erit: VERBUM CARO FACTUM EST: & habitavit in nobis, Vel: JESU, tibi sit gloria, qui natus est de Virgine.

Pre No 10 Anno.

**R** Evocabis in mentem beneficia, quae hoc anno a Deo recepisti, & in gratiarum actionem offeres JESUM in circumcissione cruciatum.

2. Cum dolore commemorabis tibi peccata quibus DEUM anno elapso offendisti, & in sanguine Christi in circumcissione effuso, abluas animam tuam, tam

am statuesque firmiter pro anno sequenti melius DEO servire, & vitare peccata, præsertim aliquot graviora in particulari.

3. Pro strena offeres SS. Trinitati JESUM natum & circumcissum, per quem pro strena vicissim petes benedictionem, & gratiam sanctæ viuendi in anno sequenti-

### *Tempore Passionis.*

#### I.

**N**illum diem omittes, quo aliquid de Passione Domini non mediteris, vel legas, ea quæ inferius habentur.

2. Mortificationes hoc tempore crebrius usurpandæ, quales sunt disciplinæ. catenulæ, foras in lecto durior, &c. &c. In honorem flagellationis, vinculorum, & crucifixionis Domini.

3. In actionibus ordinarijs retinebis memoriam Domini patientis, juxta ea, quæ circa hoc dicta sunt cap. 3.

4. Videndo Imaginem Christi patientis, vel audiendo aliquod mysterium passionis, excitabis in te affectum gratitudinis, & offeres Christum patientem

pro tu-



pro tuis peccatis, quatenus Christo patienti oppositis. E. g. Sudorem Christi pro tua tepiditate in obsequio Divino, flagellationem pro sensualitate, spineam coronam pro ambitione, contemptum Domini pro superbia, crucifixionem pro impatientia, &c.

5. Curabis pro tua parte compensare ea, quæ Dominus pro te patitur. Itaque adorabis Majestatem ejus contemptam, amabis Bonitatem infinitam odio habitam, laudabis & glorificabis Sapientiam derisam, Innocentiam contumelijs affectam, Sanctitatem inter sceleratos reputatam, dicendo. *Domine quot contemptus, quot contumelias, quot odia pertulisti, tot tibi offero affectus laudis, honoris, amoris.*

6. Affectu compassionis omnia & singula vulnera Salvatoris salutabis hoc modo: Ave sedes Sapientie Caput Salvatoris mei, pro mea superbia coronâ spineâ redimitum: heu me, ego te meis cogitationibus superbis, inhonestis &c. seu spinis laceravi. Ave frons solem serenior spinis cruentata, in lapsu percussa, ignosce quæso inverecundia mea.

E s

Ave

Avete oculi, cœli sydera, pro me velati,  
 cōtusi, livore pleni : adoro vos, &  
 damno meam curiositatem, meam vani-  
 tatem, & damno meam curiositatem,  
 &c. Avete Aures, portæ cordis, semper  
 ad orationem nostram apertæ, & in Pas-  
 sione contumeliis sauciata : vtinam au-  
 res meæ sint apertæ inspirationibus di-  
 vinis. Ave Vultus, Angelis desidera-  
 bilis, per alapam tuam, per sputa; non  
 te avertas à me. Ave dulce Os, pro  
 me felle, & siti cruciatum. Ave Collum  
 funibus constrictum, felle imbutum ,  
 propter meam intemperantiam Avete  
 Humeri crucem sustinentes, & flagellis  
 cœsi. Avete Manus, vnde bona om-  
 nia procedunt, ligatæ, & clavis trans-  
 fixæ, pro nostris rapinis, vindictis, aliisq;  
 manuum peccatis. Avete pedes per-  
 forati. Ave latus apertum, porta Do-  
 mini, per quam Iusti intrant, fenestra  
 humanitatis; intrem & ego per Te ad  
 vitam æternam. Ave denique Cor Do-  
 mini mei dulcissimum, Regia charitatis,  
 refugium miserorum, meis voluptati-  
 bus afflictum, cruciarum, ac tanto erga  
 nos amore accensum, per hoc ipsum  
 Cor tu-

Cor tu-

Gon  
per  
pro  
7  
es  
nob

SA  
vi  
ctis  
2  
se  
3-  
refu  
4  
& d  
5-  
ritua  
7  
Vina  
Rede

pi

Gloria tuum, Te rogo bone JESU, ne  
permittas, ut sanguis tuus pretiosus sit  
pro me frustra effusus.

*Tessera* hujus temporis. *Qui passus  
es pro nobis, IESU Christe miserere  
nobis.*

### *In Resurrectione Domini.*

#### I.

**S**alutabis Christum Dominum Redi-  
vum, cum Beata Virgine, cum san-  
ctis mulieribus, cum Apostolis &c.

2. Credes firma fide, eum resurrexis-  
se verè.

3. Sperabis per mortem ejus felicem  
resurrectionem.

4. Gaudebis de ejus resurrectione,  
& de dotibus gloriosi corporis.

5. Petes à vitiis resurrectionem spi-  
ritualem.

*Tessera* hujus temporis, hæc erit :  
*Vivat IESVS redibis. Credo quòd  
Redemptor meus vivit.*

### *In Ascensione.*

#### I.

**P**rostratus ad pedes Christi Domi-  
ni a-

ni ascendens, cum Beata Virgine, & Apostolis, valedices ipsi, & gratias ages pro laboribus spatio 33. annorum toleratis, ac pro consummato opere nostræ redemptioni.

2. Offeres illi abeunti pro viatico cor-  
tuum, ut illud secum accipiat, & à  
terra attoliat, cœloque affigat. Of-  
feres & aliquas tuas resolutiones à pro-  
posita transmittenda per Christum SS.  
Trinitati, v. g. Quod Deum nullo pec-  
cato mortali offendere velis; quod glo-  
riam ejus majorem propagare cupias &c.

3. Petes humillimè ut elevatis ma-  
nibus benedicat tibi, illa benedictio-  
ne, quam dedit SS. Apostolis.

4. Gaudebis de gloriosa ejus ascen-  
sione & exaltatione nominis ipsius,  
ac de illo amplexu, quo SS. Trinitas  
Christum suscepit in cœlo.

5. Gratias ages SS. Trinitati pro i-  
stâ exaltatione triumphali Christi Do-  
mini. Gratias item ages Angelis & SS.  
Patriarchis, quod Christum triumphan-  
tem ad cœlum deduxerint, ibique Re-  
gem suum adoraverint.

6. Adorabis in cœlo Christum; ut  
Regem

Regem, ut supremum Pontificem; ut  
Advocatū, & Thesaurium.

7. Desiderabis cum illo esse, & vi-  
vere in æternum.

*Tessera huius diei sit hæc : JESU  
tibi sit gloria, qui victor in calum re-  
dis. Sedenti in Throno, DEO: & A-  
gno honor & gloria.*

*Die Pentecostes.*

Tale exercitium propo-  
nit P. M. P. Gaspar Dru-  
zbicki Societ: IESV in  
MSS.

I.

**C**oncipiatur æstimatio dignitatis,  
bonitatis, potentia, quam habet Spi-  
ritus Sanctus.

2. Desiderium ejus presentia.

3. Investigatio eorum, quæ me im-  
pediunt, quo minus Spiritum Sanctum  
plene capiam, cupientem se mihi per  
sua dona copiosa communicare.

7

4. Mei



4. Mei abjectio, humiliatio, annihilatio, in ejus conspectu.

5. Addi potest gratiarum actio, pro descensu in Apostolos, & pro omnibus illustrationibus ac inspirationibus, mihi à Spiritu Sancto datis.

6. Addi potest dolor de defectibus, quibus restitui Spiritui Sancto, eumque in me contristavi.

7. Invocatio ejusdem ad animam, tanquam ad templum suum; veniat ignis ad frigus, aurum ad lutum, spiritus ad carnem. Vbi adhiberi potest intercessio Beatæ Virginis, & Apostolorum recipientium Spiritum Sanctum.

8. *Petitio* eorum donorum, à Spiritu Sancto, quibus hodie replevit Beatam Virginem, & Apostolos.

*Tessera hujus diei : Veni Sancte Spiritus, & emitte cœlitus lucis tue radium. Vel: Cor mundum crea in me DEVS, & Spiritum re-  
ctum innova in visceribus meis. Ne projicias me à facie tua, & Spiritum Sanctum tuum ne auferas à me. Psal. 50.*

*In Feste*

*In Feflo Corporis Chrifti.*

*Præter ea, quæ dicta funt de Viſitatione SS. Sacramenti, quam in hoc feſto ſapius repetere par eſt, ad deuotionem ſequentes iubabunt.*

*Affectus erga SS. Sacramentum.*

## I.

**C**redo firma fide, & confiteor Domine JESU Chriſte, te in hoc Sacramento eſſe verum DEUM & hominem, & quidquid Sancta Mater Eccleſia credendum proponit, firmiſſimè amplector.

2. Adoro te, hic præſertim, cultu patriæ, affectu totius Eccleſiæ militantis, & triumphantis.

3. Gaudeo de omni honore, & gloria, quam habes ab Angelis, & fidelibus per totum mundum, in hoc Sacramento.

4. Doleo de omnibus hæſibus, blaſphemiis, ſacrilegiis, irreuerentiis, quibus ab hæreticis, & malis Catholicis in hoc Sacramento offenderis.

5. Ago tibi gratias cum tota Eccleſia,

clesia tua, pro instructione, administratione, & usu huius Sacramenti, tam mihi, quàm aliis, concessio.


6. *Desidero*, ut ab omnibus creaturis rationalibus adoreris, & glorificeris in hoc Sacramento, & dignè suscipiaris &c.

7. Domine totus sum tuus, eroque in æternum, sicut totus meus esse voluisti in hoc Sacramento.

8. SS. Trinitas respice in faciem Christi tui hic verè præsentis, quem tibi nunc offero, in sacrificium Latreuticum, Eucharisticum, Propitiatorium, Impetratorium.

9. Da mihi quæso gratiam, ut in hoc Sacramento, prout oportet, colam, & suscipiam, ac demum in cœlesti convivio da, ut te fruam in æternum.

*Tessera huius diei ad singulas horas repetenda : Laudetur SS. SACRAMENTVM.*



## CAPVT XVI.

Breues Meditationes de  
Passione Domini.*Christus valedicit SS. Matri.*

I.

CONSIDERA anima mea, quam obedi-  
ens fuerit Christus voluptati Pa-  
tris æterni, cui ut obediret, voluit e-  
tiam Matri suæ Sanctissimæ, quam a-  
deo amabat, valedicere, ipsamque relin-  
quere ac affligere, properando ad cru-  
cem, & dolores, ac cruciatus acerbis-  
simos. Tu verò quoties ad DEI In-  
spirationes obsurdescis ! quam nimis  
es affixus rebus creatis, quæ te in a-  
more DEI impediunt ! Erubescere co-  
ram DEO, & nunc tandem dic vale  
omnibus salutis impedimentis. quam-  
vis tibi charissimis, idque amore Chri-  
sti, & studio imitandi ipsum.

2. Consideratis quo dolore, quibus  
lacrymis excepit hanc valedictionem Fi-  
lij sui

lij sui

lii sui SS. Mater, quæ tantopere Christum, non ut hominem tantum, sed etiam ut DEUM diligebat : ex altera parte, vide quàm patienter, hoc triste nuntium tulit; non conquerendo, non signa ulla impatientiæ ostendendo, sed potius conformando se divinæ voluntati. Tu verò dum privaris aliquo solatio, dum tibi Deus aliquam afflictionem immittit, quàm impariens es ! quam DEI voluntati repugnas ! Dole igitur & desile tuas impatientias. Resigna te DEO ad omnes afflictiones. Compatere afflictæ SS. Matri, pete ab illa patientiam in adversis.

*Christus Orat in horto.*

I.

**C**onsidera, quàm reverentiâ Christus orat Patrem, quàm attentione quàm devotione. Orat prostratus in terram, orat separatus à discipulis in loco remoto ab omni strepitu, tempore noctis quieto. Et tamen fuit æqualis Patri, non fuit obnoxius distractionibus in orando. Tu verò quàm irreverenter, quàm distracte, quàm tepide oras, loquerisq;



DECIMUM SEXT: 113

querisque cum DEI Majestate, cum suis pulvis & cinis, ac vilis ranuncula. Erubescere, dolo, propone emendationem, pete à Christo donum orandi, & ejus orationem offer LEO, pro tuis in orando defectibus.

2. Considera alias virtutes orationis Christi. Fuit enim conjuncta cum Filiali fiducia, cum diceret, *Pater si possibile est.* Fuit cum DEI voluntate conformis, cum diceret, *Non mea sed tua voluntas fiat.* Fuit perseverans, cum tribus horis, ter eandem orationem repetierit. Disce à Christo orare, qualis tua debeat esse oratio, vide an talis soleat esse. Pete veniam defectuum in orando. Propone Christum orantem imitari, & ad hoc opem ab ipso implora.

*Christus tristatur, & sanguine sudat.*

I.

**V**ide, & imaginare Christum palentem, tristem, tædio afflictum, quales solent esse agonizantes, & considera quòd hæc tristitia fuerit tanta, ut sufficeret ad mortem, prout ipse Dominus

minus dixit : *Tristis est anima mea usque ad mortem.* Tum quare ex Christo : JESU, voluptas cordium, quis te adeo afflixit ! Respondebit ipse procul dubio, te fuisse causam tristitiæ, illa tua voluptate, illis tuis peccatis, quæ tunc Christus in horto videbat, & quæ tantopere nunc horrebat, ac detestabatur. Quibus expensis, excita in te summum odium, ac detestationem peccati, præsertim illius in quod sapius laboris. Petente Christo moerente contritionem de peccatis. Statue aliquod solatium Christo moerenti afferre. Commenda Christo agonizantes tuamque agoniam, & illa tua rædiâ extrema, pavidorem ac tristitias conjunge Christi rædijs, pavori, & tristitijs.

2. Vide Christum, sanguine sudatorem, vide defluentes guttas sanguinis primò in vestem, deinde in terram. Hæc admiratus, quare causam hujus prodigiosi sudoris, quæ non est alia, nisi quod Christus pro salute tua, tantum laboraverit usque ad sudorem sanguineum. Tu verò quàm parum laboras pro salute tua, quid hætenus pro illa ar-

illa  
que  
roic  
Coll  
gem  
tuo  
pluv  
ut l  
gat,  
flor  
statu  
guin  
mina

C  
in a  
nibi  
d. n  
tud  
spon  
Sam  
ped  
nisi  
ita

**DECIMUM SEXT:** *ms.*

illa ardui superasti; Cui tentationi usque ad sanguinem restitisti? quid heroicum generose fecisti? confundere: Collige istas guttas sanguinis tanquam gemmas pretiosas, & repone in corde tuo, Suppone terram cordis tui isti pluvie sanguineæ, & pete à Christo, ut hoc rore pretioso eor tuum aspergat, reddatque fertile ad producendos flores, & fructus virtutum. Denique statue, usque ad sadorem, usque ad Sanguinem, pro DEO, pro cœlo, pro anima tua generose operari.

**Christus Comprehenditur.**

**I.**

**C**onsidera ex una parte furorem scellitum, quo in Christum velut in agnum lupi irruerunt, eumque funibus & catenis ligarunt ad instar prædonis. Et altera parte vide mansuetudinem Christi, non repugnantis, sed sponte manus offendentis ad vincula. O Samson invictissime, quis te his compedibus ligavit? Nemo alius o anima nisi amor tui, aut potius peccata tua; Ita enim dicit per Prophetam: *Fu-*  
*pes ped-*

*nas peccatorum circumplexi sunt me gratis.* Ergo tam duro eris corde, ut videns amore tui ligatum DEUM hominem, non permittas te ab eo ligari, non catenâ ferreâ, sed aureâ amoris? Non ut amittas libertatem, & vitam, æternam. Instat tam diu ad portam cordis tui pulsans DEUS: ut te liget sibi in victimam, sibi que adstringat. Dona te aliquando ipsi, qui se tibi ad tam dira tormenta donauit. O Domine liga cor meum amore tuo; liga memoriam, ut tui solius recordetur, oculos, ne videant vanitatem; liga manus, ne operentur iniquitatem, liga linguam, ne quod tibi displicet loquatur; liga pedes, ne ambulent in via peccatorum; liga me totum vinculis charitatis, ut vivam totus tuus in æternum.

2. Christus tam crudeliter ligatus ad terram à nefariis satellitibus prostermitur, eorumque pedibus conculcatur. Vide anima mea, Dominum gloriz, Regem majestatis, cui curvatur omne genu, qui sedet Cherubim, cujus cælum sedes est, sub pedibus vilissimum hominum jacentem. O quantum se deni-

de demisit pro te tanta majestas! & tu  
 voluis & cinis; terræ vermiculus, tam  
 audiosè alta petis, omnibus cupis emi-  
 ère, nulli vis subjici. Erubescè & de-  
 le tuam superbiam; disce à Christo con-  
 ulcato humilitatem, disce aliis subjici.  
 Offer DEO istam Christi humilitatem,  
 ro tua superbia, & pete hanc virtu-  
 tem à Christo pro amore tui con-  
 ulcato.

*Christus ad Annam alapa ceditur.*

I.

Considera, quomodo Christus ab  
 Anna Pontifice interrogatus de sua  
 doctrina, cum modè respondisset;  
 nam doctrinam esse publicam, ob hoc  
 modestum responsum, ab uno ministro-  
 rum alapam accepit. Expende quàm  
 meritis hæc alapa Christo tantæ dignitatis  
 personæ, in tot spectantium præsentia,  
 non solum graviter contumeliosa, sed  
 etiam crudelis, cum iterum inflicta ma-  
 ni a-mara, ita ut Christus in terram pro-  
 pensus sit. Contemplant ergo faciem  
 Christi lividam, vide signa istius sacrifi-  
 cii manus, faciei Christi impressa, &  
 oblitus



obstupesce tantum scelus, Christoque patienti compatere, sed simul vide tuam impietatem. O quoties & tu faciem Christi percussisti! non volendo audire ejus vocem, quâ tibi ad cor loquitur; contemnendo ipsius vocationem ad statum meliorem, non æstimando Christi consilia. Igitur cum dolore pectus tuum pertute, & osculare Crucifixi imaginem, petendo veniam, & emendationem proponendo.

Considera patientiam & mansuetudinem Christi: pro tam crudeli & ignominiosa alapâ, non evocat e cælo fulmina, non malum imprecatur, non signum ullum, impatientiæ ostendit, non prorumpit in verba mordacia, sed mansuetissime responder: *Si malè locutus sum, testimonium perhibe de malo; si autem benè, quid me cedis?* Admirare hanc patientiam & mansuetudinem; simul ut reflecte supra tuam impatientiam, dum uno verbo, una levi confusione provocatus, tam facile exandescis, nihil nisi minas, & vindictam spiras, in tot verba aspera, & maledicta prorumpis. Consumere, discere à Christo mansuetudinem & pati-

& pa  
a Chr

V  
sidera  
virtus  
quom  
& aut  
& Reu  
sce, q  
quæ C  
de qu  
ro, q  
affige  
de nna  
Christ  
Iudici  
da offi  
ti, &  
tendo  
s.  
nocte  
phæ.  
it exp

& patientiam, eamque propone, ac pete  
a Christo mansuetissimo.

*Christus apud Caiphā.*

I.

Vide Christum ligatum stare cum omni modestia ante Caiphā; Considera quā injuste ipsa Innocentia, & virtus DEI in illo concilio accusatur! quomodo ille, qui est Sanctus Sanctorū, & auctor vitæ, pronuntiatur blāphemus, & Reus mortis iudicatur. Hinc agnosce, quā sint erronea Iudicia humana, quæ Christum condemnāunt, ac proinde quā parui sunt æstimanda. Tu vero, quā studiosè ea quæris! quantum affligeris, cum injustè accusaris, aut condemnaris. Erubescere, & disce exemplo Christi pati accusationes, calumnias, & Iudicia hominum, atque ad hæc toleranda offer te, amore Christi injustè accusati, & condemnati, à DEO auxilium petendo.

2. Considera alias injurias, quas hac nocte passus est Christus in domo Caiphæ. Nam alligatus ad columnam, fuit expōitus tanquam meta opprobriorū

F.

furore

furori satellitum, quorum aliqui velarunt faciem ejus, alii pugnis, & alapis eum cædebant, alii in faciem ejus spuebant, alii capillos evellebant. Admirare hoc spectaculum, & compatere ei corde Christo, tanta pro amore tui patienti, limul etiam dolo, quod tu quoque velare soleas oculos Christi, quando in libere peccas, ac si te peccantem DEUS non videret. Dole, quod in faciem Christi spuas, dum in præsentia Illius es, futas verba inhonestæ, sputis omnibus turpiora. Dole, quod Christo alapan infligis, cum alios confundis, & ex amore Domini tui abhinc serio corrige corrigenda.

*Christus apud Pilatum.*

I.

CONSIDERA calumnias Christo imputatas à ludæis apud Pilatum, tam enormes. Nam appellatus est malefactor, seditiosus, ambitiosus, læsæ majestatis reus : & tamen fuit innocens, segratus à peccatoribus, Sanctus Sanctiorum. Ex altera parte considera silentium Christi, cum nec per se nec per alios

um voverit refutare calumnias, licet facile potuerit, & licet faventem sibi Indicem habuerit. Hinc verò reflexione supra te facta, vide an tu quoque in aliquo innocente Christum non es calumniatus, an non infamaueris, & detestare hoc vitium, ac pete à DEO charitatem proximi. Deinde vide quo silentio toleras columnias, iniquas accusationes, detractiones, & ad illas tolerandas te resolue amore Christi, petendo patientiā.

2. Expende illa verba Christi, cum interrogatus à Pilato : *Ergo Rex es tu?* Respondit : *Regnum meum non est de hoc mundo.* Quibus verbis docet Christus, nos, qui Christum adoramus, non debere inhiare mundanis diuitiis, honoribus, voluptatibus, quæ omnia transeunt, sicut fumus, & umbra, sed potius studere congregandis nostris actionibus Regnum coelorum, & gloriam æternam, ad quam creati sumus. Tu verò ò quantum affixus es mundo, ejusque fallaciis, quam rarò ad bona æterna, & ecclestia aspiras : & tamen te Christi sequacem esse dicis. Erubescere mendacium, istud, & pete à DEO gratiam, ut

tibi vilescant omnia transitoria, & chara sint bona æterna.

*Christus apud Herodem:*

I.

**C**onsidera quomodo Christus per plateas vrbis publicas, spectante populi multitudine, cinctus funibus & catenis, ab uno tribunali ad aliud, tanquam Latro ducitur, aut potius trahitur; quomodo a satellitibus nefariis nunc pugnis, nunc calcibus tunditur; quomodo ab insolentissima plebe, cui tot beneficia præstitit, illuditur, luto & lapidibus impetitur, jam latro, jam falsus Propheta, ac deceptor hominum proclamatur. Ex altera parte eleua mentem, & considera in Christo illam adorandam Majestatem, cui seruiunt Angeli quæ rebus omnibus dominatur, illam potentiam, cui nemo resistere potest; & hæc obitupefcens inclama: Pro me, pro me, vilissimo vermiculo, talia Deus patitur, pro me concutatur, pro me DEUS ligatus, irrisus; &c. Et hoc sæpius repete, donec cor tuum accendatur, tunc enim perdrumpes in affectum compassio-

passio-



passionis erga Christum, talia patientem, & in affectum doloris de tuis peccatis, quæ fuerunt causa Christo harum afflictionum. Deinde amore Christi facies propositum vitandi hoc, vel illud peccatum, item vincendi hunc, vel illum respectum humanum, & repugnantiam in obsequio Divino.

2. Considera Christum, qui est Sapientia DE infinita, ab Herode ejusq; aulicis contemptum, & pro stulto habitum, irrisum, atque veste alba indutum, ut ab omnibus pro faruo haberetur, & ita per plateas reductum ad Pilatum. O quæ tunc probra, quas irisiones audiant eum summa patientia, ab illa facie hominum, Innocentissimus Salvator! & tu ab omnibus vis honorari, laudari, adorari, cum id nec ob sapientiam, nec ob patientiam merearis. Confundere de hac tua ambitione, disce à Christo, contemptus, irisiones, ac probra, ejus amore pati, hæc enim sunt insignia servorum Christi, quibus, ipse indutus fuit apud Herodem. Pete etiam à Christo vestem albam puritatis, quam ipse nobis hac irrisoria veste comparavit.

*Christus redit ad Pilatum.*

## I.

**E**Xpende Christi ignominiosam cum latrone Barabba comparationem, atque Barabbæ præ Christo electionem : quod ô quantum dolorem Christo attulit ! cum vidit se adeò contemptum ab illo populo, quem tot beneficiis cumulavit. Sed tu quoque an non præfers Barabbam Christo ? Quando magis adhæres suggestioni Dæmonis, quàm inspirationi Diuinæ : quando pluris æstimas mundi voluptatem, diuitias, honores, quàm Christi gratiam, & vitam æternam : quando Christi voluntatem postponis tuæ voluntati, rationem sensui, spiritum carni, æternitatem bonis temporalibus. Deplora ergo istam cœcitatem tuam, deprecare Christum, & ex nunc illum, ejusq; gratiam æstima super omnia, supra diuitias, supra amicos, supra famam, supra voluptates, &c.

2. Considera vociferationem Iudeorum clamantium : Tolle, tolle, crucifige; hos plausus retulit summa Sapientia, summa Sanctitas, summa Beneficentia Christi, & tu tantoperè ambis laudem

lau  
ger  
diq  
dis  
glo  
que  
æter

**E**  
ante  
Chr  
trem  
&  
rò te  
am f  
virtu  
pter  
stelli  
Ang  
ctus  
par si  
non  
fectib  
omni

laudem humanam, & plausus, adeò affli-  
geris, cum illis cares, quibus tamen un-  
dique indignus es. Confundere, & hinc  
disce contemnere laudem humanam, &  
gloriam à solo DEO querere, apud  
quem solum vera est laus, & quidem  
æterna.

### *Christus Flagellatur.*

#### I.

**E**xpende, Christi in conspectu tot  
hominum probrosam nuditatem,  
ante flagellationem. Quanta ibi fuit  
Christi verecundia, de qua dicit ad Pa-  
trem in Psalmo : *Tu scis confusionem*  
*& reuerentiam meam* ! Quantum ve-  
rò te amavit ! qui amore tui vestibis eti-  
am spoliari voluit, ut te veste gratiæ, &  
virtutum, ac stolâ gloriæ indueret. Pro-  
pter te eò deuenit DEUS, qui Cælum  
stellis, terram floribus, aues plumis,  
Angelos gloria vestit, ut amore tui fa-  
ctus sit nudus. Tu jam vide, quid te  
par sit facere, amore hujus Domini. An  
non expedit, ut te spoliés omnibus af-  
fectibus inordinatis, omnibus solatiis,  
omnibus commoditatibus, ut Christum

Ducem tuum nudum, miles nudus sequaris.

2. Vide Christum ad columnam atrociter funibus ligari, non reluctan-tem, non resistentem, sed ultro manus ligandas offerentem. Admirare hanc Christi obedientiam, eumque imitari stu-de, ut propter DEUM non satellitibus sed superioribus tuis promptè obedias, & præsertim ut obedias DEO, dum tu-am libertatem vult ligare, & te sibi adstringere nexu amoris.

3. Considera diram Christi flagel-lationem. Dira fuit ex parte temporis, quia juxta aliquos duravit unâ horâ & mediâ. Dira ex parte flagellorum, quæ constabant ex nervis, catenis ferreis, virgis spinosis. Dira ex numero plaga-rum, quarum numerantur 6666. à plan-ta pedis usque ad verticem Christi. Di-ra ex rabie carnificum, qui partim pec-uniis conducti à Judæis, partim a Dec-mone incitati, crudellissimè sæviebant in Christum, alii aliis succedendo. Deniq; dira fuit ex parte carnis & com-plexionis Christi delicatissimæ. Vide ergo in carne Christi sulcos, vide san-  
guinem

guinem defluentem in terram, vide totam carnem laceratam, vide ossa transparentia : & te ipsum hujus laniationis agnosce. Hæc enim patitur Christus propter tuam libidinem, propter tuas carnis delicias. De his igitur doli, Christo compatere, & firmiter propone fugam omnis voluptatis carnalis, & carnis mortificationem. Denique, in sanguine Christi in hac flagellatione effuso, animam tuam contaminatam lava. dicendo cum Psalmista; Amplius lava me Domine ab iniquitate mea, & à peccato meo munda me, &c.

*Christus spinis coronatur.*

I.

**E**Xpende amorem Christi erga te. Non satis fuit ipsi tam copiosum pro te sanguinem effudisse in flagellatione: una adhuc pars corporis, nempe caput, superfuit a vulnere libera: & hanc etiam voluit pro te lacerari spinis. Vide ergo qua rabie milites imponunt Christo coronam spineam, eamque capiti sacrosancto baculis crudelissime insigunt. Vide spinas, quarum plures nu-

F 5

merantur



merantur quam mille, usq; ad cerebrum pertingentes, juxta S. Bernardum. Vide sacrum cruorem copiosissimè primò in faciem, deinde in corpus ex facie defluentem. Tu verò Christiane, ah quàm Christo difformis es! qui caput tuum coronas cogitationibus lasciuvis, superbis, ambitiosis, quæ in has spinas conuersæ, Christi caput laniarunt. Itane debet sub spinoso capite membrum esse delicatum? Itane Regis ad exemplum tui componeris? Ah depone aliquando amore Christi istas rosas euanidas ex capite tuo, & impone tibi coronam Christi spineam, quæ in auream in cælo conuertatur.

2. Christo sic coronato ad ludibrium traditur in manus arundo, loco sceptri. Vide quid Christo mundus offerat, & quid tibi etiam offerre possit. Nil nisi arundinem, nisi bona vacua, inania, fragilia. O quantum hoc dono tibi illudit! Cur ergo potius non amas aureum Christi sceptrum, Regni cœlestis insigne? Cur tibi illudi permittis? Redi aliquando ad mentem, & solida præter caducis, temporalia æternis.

3. Vi-

3. Vide quomodo Christo illudunt milites, uno genu flectunt ante ipsum, & manu caput feriunt, ac vulnerant. Regem appellant, sed regem dolorum faciunt. Regem adorant, sed arundine donatum. O quoties & tu ita Christo illudis, cum eum adoras orando, sed contemnis male operando, cum ipsum uno genu adoras, altero Diabolum: cum ipsi offers illa arundine, & fragilia proposita, illam arundineam omni spiritu vacuam pietatem. Erubescere hanc impietatem, & statue, Christum solida virtute adorare, hasque illusiones compensa, dicendo cum Psal-te: *Tu es ipse Rex meus, & DEVS meus, o Domine ego servus tuus, & filius ancilla tua.*

*Christus damnatur ad crucem, cam-  
que basulat.*

## I.

CONsidera pusillanimitatem Pilati: Is enim agnouit Innocentiam Christi, dicendo: *Ego nullam in eo causam mortis inuenio*: & tamen propter respectus humanos, propter gra-

tiam conseruandam apud Casarem ; propter vitanda odia Iudæorum: Christum iniustissime damnauit ad Crucem. O Respectus humani infelices , an unum ad hoc impulistis, ut Christum, eiusq; imitationem, ut vocationem respiceret, ut virtutem desereret, ut damnaret Christi consilia, & præcepta? Ego ipse an talis non sum? Nolo deinceps esse ô Domine, da mihi generosum animum omnes respectus humanos contemnendi, tibi que magis adherendi, & virtuti; quam amicis, quam mundo, quam carni, omnibusq; aliis, me a te auocantibus.

2. Vide Christum damnatum ad mortem, cruce onustum per vias publicas procedere, atque montem Caluarie conscendere, vide quam sæpe jam sanguine exhausto debilitatus; sub pondere crucis labitur, nec ulius adest qui illum in cruce ferenda iuvare velit. A te igitur hoc solatium petit, illis Eupugelii verbis: *Qui vult sequi me, tollat crucem suam, & sequatur me.* Non vult, ut tantam, tamque grauem crucem feras, quantam ipse tulit

pse tulit, sed tantum vult, ut feras  
 crucem tuam, id est crucem parvam,  
 crucem tuis viribus accommodatam,  
 crucem tuis peccatis debitam. Cur ego  
 renuis? Cur te excusas? Cur hume-  
 ros cruci Christi non submittis? Re-  
 solve te aliquando generosè, & offer  
 Christo ad portandam cum illo cru-  
 cem, & discce, non esse aliam ad coelum  
 viam, nisi hanc, quâ Christus ivit,  
 crucem ferens.

*Christus Crucifigitur.*

I.

**C**onsidera, Christo ante Crucifixio-  
 nem in monte Calvario, cum jam  
 vix spiraret præ debilitate, oblatum  
 esse vinum felle mistum. Quanta ista  
 crudelitas fuit. Quam acerbam Chri-  
 sto tormentum! Quanta porro Christi  
 erga nos Charitas, qui amore nostri,  
 nullum sensum suum, etiam gustum,  
 voluit esse a dolore immunem. Et  
 tu an Christo vinum felle mistum non  
 propinas? Cum illi offers illas devo-  
 tiones tepidas, illa bona opéra, tot im-  
 perfectionibus mista, cum in potu tem-

perantiam debitam non observas. Dole de istis defectibus, atque hic & nunc offer alicquem actum heroicum, maxime alicuius tux repugnantiz victorem, quo gustum Christi felle exasperatum recrees.

2. Vide Christum vestibus ad carnem concreto sanguine adherentibus, non minus ignominiose, quàm crudeliter nudatum, ac plane excorticatum, prosterni in trabem crucis. Vide cum quanta charitate extendit manus, & pedes, ut cruci affigantur. Vide quo furore carnificum, membra sacrosancta extendantur, & clavis perforentur. Vide quomodo se Christus offert in hoc altari pro peccatis tuis, in sacrificium DEO Patri. Hinc verò disce amore Christi, te spoliare commoditatibus in vestitu, in lecto, & aliis, ut nudus, nudus Christo Crucifixo te adtringas. Disce crucifigere carnem tuam, manus, ne quid mali operentur; pedes, ne perviam iniquitatis ad occasionem peccati ambulent, ac denique totum corpus tuum, ut dicere possis cum Apostolo, *Christi confixus sum cruci*. Itaque  
ad hoc



ad hoc te Christo Crucifixo promptè offer, dicendo : ô JESU pro me Crucifixe, volo tecum crucifigi, ut tecum viuam in æternum.

3. Vide inauditum spectaculum , pendentem in cruce, medium inter latrones, qui in throno gloriæ est medius inter personas Divinas, nudum, liuidum, vndique eruentatum. Vide rivum sanguinis è manibus, & pedibus , ac toto corpore in terram defluentes. Considera totum corpus, caput, oculos, faciem, manus, latus, & vide an aliqua pars à planta pedis usq; ad verticem vacet dolore. Vide an aliquod solatium habeat a Patre , a Matre , ab amicis. Et hæc considerans, compate-re ei toto cordis affectu, osculare omnia & singula vulnera ipsius, suppone cor tuum immundum, & sterile, sanguini ex vulneribus mananti. Offer hoc sacrificium eruentum Patri pro peccatis tuis. Pete a Christo, ut tanti cruciatus pro te non sint frustra suscepti.

*Christus Moritur.*

*1. Ex-*

**E**Xpende quòd Christus moribundus, Joanni propter ejus castitatem eximiam, Beatam Virginem pro matre testamento legauit, illis verbis: *Ecce Mater tua.* Tu quoque accede ad crucem tanquam ad lectulum Patris tui morientis, & valedicendo ipsi cum lacrymis, pete ab eo supremam benedictionem. Pete etiam, ut aliquid tibi testamento relinquat. Et si amator castitatis es, audies ab ipso tibi tradi B Virginem pro Matre tua, atque de illa ad te dici: *Ecce Mater tua.* Vide ergo, ut affectu Ioannis illam deinceps ames, illique seruias.

2. Expende suprema illa verba Christi morientis: *Pater in manus tuas commendo spiritum meum.* Merito, hoc dixit Christus, non enim habuit diuitias, non honores, ipsum corpus jam per tot vulnera penè amiserat. Solus restabat spiritus, hunc ergo in manus Patris æterni reponit, quia dignus fuit complexu Patris, ut pote spiritus purissimus, sanctissimus, Patri obedientissimus, ejusq; amantissimus. Tu vero in

ro in illo extremo mortis agone, poterisne meritò spiritum tuum in manus DEI reddere? Vide qualis sit tuus spiritus, vide cui servias, an DEO, an mundo, an carni; ab illo enim in fine vitæ præmium sperare debebis, cui totâ vitâ servies.

3. Christus inclinato capite tradit spiritum. Inclinas caput, in signum obedientiæ, ex qua moriebarur. Inclinat caput, ut tibi det supremum osculum benignissimus Pater filio prodigo. Et sic tandem paulatim deficientibus viribus color vultûs mutatur, oculi clauduntur, ac denique DEUS Homo moritur. Moritur Dominus tuus, Pater tuus, Magister tuus, Pastor tuus &c. &c. Et adhuc lacrymas continens, petris scissis durius cor meum? Eliquesce tandem aliquando in lacrymas, & desse tua peccata, quæ fuerunt causa mortis Filio DEI. Age gratias pro tam copiosa redemptione tui, & per mortem crudelissimam Christi, pete felicem mortem tuam, ut in manibus Christi, in præsentia DEI Matris moriaris, cum Christo in æternam vitam.

CAPUT

## CAPVT XVII.

De modis colendi DEI-  
Param Virginem, præ-  
sertim in Festis Ipsius.

*Centum Exercitia Pietatis proponit  
erga DEI Matrem Paradisus Ha-  
giophili, totidemque alia Dia-  
rium Marianum. Nos aliqua,  
quæ magis usui esse possunt, asse-  
remus.*

*Exercitium I.*

**H**Abere in promptu, & frequenter  
per diem usurpare aspirationes ja-  
culatorias ad DEI Matrem, qualis po-  
test esse hæc S. Francisci Xaverii: *Ma-  
ter DEI memento mei, Domina opitu-  
lare.* Vel hæc B. Stanislai: *O MA-  
RIA sis mihi propitia.* Vel hæc: *Ma-  
ter DEI, monstra te esse Matrem.* Hanc  
aspirationem consuetam Patri Gabrieli,  
varia

varia in suis angustiis repetere obliuio,  
adstitit B. Virgo, dixitque : *Et tu mei  
jam oblitus?* Talis etiam hæc est aspi-  
ratio : *Mater amabilis amo te.* Et:  
*vinat MARIA, O MARIA quando te  
videbo!*

## Exercitium II.

**S**ingulis diebus se deuouere B. Vir-  
gini in filium, & mancipium, repe-  
tendo illam formulam Congregationi  
consuetam, *Sancta MARIA Mater  
DEI &c.*

Ita Marinus, frater B. Petri Damia-  
ni, supplex coram ara DEI Matris,  
cingulum suo collo pro fune iniecit,  
& se non solum loco serui, sed etiam  
ut mancipium eidem dedicauit, quod  
ut re ipsa profiteretur, illo ipso loco  
se ipsum loco mancipii diuerberauit,  
& loco tributi argenteum numerum ad  
cornu altaris DEIPARÆ deposuit. Alii  
deligunt, & acceptant B. Virginem pro  
sua sponsa, exemplo S. Edmundi Ar-  
chiepiscopi Cantuariensis, qui adhuc  
Philosophiæ studens, votum Virginita-  
tis emisit, ante imaginem DEI Matris  
ejusque



ejusque digito, pro arrha suæ fidei, an-  
nulum aureum inseruit, cui insculptum  
erat, *Aus MARIA*. Similiter despon-  
savit sibi B. Virginem Pater Brunus à  
sancta Cruce S. I. cui *DEIPARA* an-  
nulum in digitum inseruit.

### *Exercitium III.*

**H**Abere consuevas orationes ad B.  
Virginem, quas ipsi singulis die-  
bus seu vestigal constanter persolvas.  
Pater Bernardinus Realinus Soc: JESU,  
recitabat quotidie Rosaria 12. Pater  
Balthasar Moralez 20. Ioannes de la  
Febure 30. S. Ludouicus Galliarum Rex,  
Sanctus Carolus Borromæus, Sanctus  
Vincentius Ferrariensis, recitabant quo-  
tidie majus B. Virginis Officium, com-  
positum à Petro Damiano Cardinali,  
ante annos 603. Alii cum Alphonso  
Rodriquez quotidie recitant Officium  
de Immaculata Conceptione, quod B.  
Virgini plurimum placere, multis exem-  
plis comprobaturum est. Alii recitant  
Canticum B. Virginis cum 4. Psalmis,  
ex quorum literis initialibus componi-  
tur sacrosanctum nomen MARIA, uti  
faciebat

faciebat Pater Ioannes a Campis S. I. Alii Litanias Lauretanas, quæ habent annexas Indulgentias 200. annorum, & iuvant pro felici morte impetranda.

### *Exercitium IV.*

**D**efendere honorem B. Virginis, & cultum ipsius promouere. Ita Angelicus adolescens Ioannes Berchmans Soc: JESU, votum edidit, defendendi Immaculatam B. Virginis Conceptionem, nisi aliter Ecclesia definiret, quod votum suo sanguine subscripsit. Ita Carolus S. Brigittæ filius, optabat æterna potius supplicia pati, quàm permittere ut culpâ suâ quidquam gloriæ Mariæ decederet; ob quem affectum meruit in Iudicio Particulari a B. Virgine defendi, & Dæmonum faucibus eripi. Ita Reges, ac Principes pro honore DEI-PARÆ ingentes fecere sumptus. Iacobus I. Aragoniæ Rex ultra duo milia sacrarum ædiam. nomini Ejus dedicauit. Pulcherrima Imperatrix aram ipsâ ex auro elaboratam consecrauit, gemmis undique distinctam.

Ioannes I. Lusitanæ Rex templum prope

propè Vliffiponam extruxit, ubi tantum argenti dono reliquit, quod quater centena nummorum aureorum millia excederet.

### Exercitium V.

**L**Audes B. Virginis siue vocè, sua scripto celebrare.

Ita Sanctus Casimirus Poloniæ Princeps laudes ipsius cecinit. Ioannes Berchmans voto se obtrinxit, primum quem editurus esset librum, fore Apologiam Immaculatæ Conceptionis: Pater Josephus Anchiera Soc: JESU apud Barbaros obiens, 2806. ditticha de B. Virgine, sola memoriâ pro chartâ & calamo usus, composuit. Alii Alphabetum Elogiorum B. Virgini, conficiunt, & sæpius recolunt, uti fecit P. Aluarus, Arias Soc: JESU. Alii de ipsius Excellentis ex conducto colloquuntur crebrius, quod ipsum præscribit Lex I. Congregationis his verbis: *Sapius inter se agentes, mutuo se ad ejus amorem, & cultum studeant impellere, & ardentem quandam cupiditatem Sanctissimi nominis ejus extollendi.*

Exercitium

*Exercitium VI.*

**L**Egere vel meditari de Excellen-  
tiis, Virtutibus, Beneficiis DEI-  
PARÆ, præsertim diebus Sabbathi, &  
in festis ipsius. Ita Pater Franciscus  
Suarez nostrorum Theologorum Prin-  
ceps, singulis festis B. Virginis in me-  
ditatione circa eius virtutes, duas ho-  
ras insumebat. Hoc nimirum est, ex  
memoria propria, & intellectu, facere  
facellum B. Virginis, imaginibus Ipsi-  
us ornatissimum, ut nullæ aliæ pro-  
phanæ locum habeant

*Exercitium VII.*

**A**Nte Actiones benedictionem, à  
DEI Matre petere.

Ita B. Stanislaus Kostka, Romæ in  
Tyrocinio Societatis degens, manè, &  
vesperè, se versus templum S. Mariæ  
Majoris obvertebat, & flexo utroque  
genu, ab Ea precabatur benedictionem,  
oblato illi invicem suo corde.

Ita etiam S. Catharina Suetica, ad  
initium cujuslibet actionis præmittebat  
Ave MARIA. Et, Pater Gonsalvus  
Gomez

Gomez Soc: JESU, priusquam loqueretur, nomine MARIE decies prolato, linguam suam consecrabat.

### Exercitium VIII.

**A** More Beatissimæ Virginis vincere tentationes, & heroica opera exercere. Ita quidam infamis lasciuie consuetudine liberatus est, cum se ex consilio Sancti Bernardi, primò per triduum amore Beatissimæ Virginis a flagitio continuisset.

Ita plurimi amore DEIPARÆ, visum, guttum, linguam, mortificant, vimque sibi faciunt, ut rapiant Regnum DEI.

### Exercitium IX.

**V**irtutes B. Virginis imitari. Hoc genus colendi B. Virginem est præstantissimum illiq; gratissimum, & præscribitur in prima lege Congregationis, his verbis: *Vita, morumque integritate. Virtutum illius præstantissimarum exempla imitari conentur.* Nam ut ait S. Ambrosius libr.

a. de

i. de opat

Præ

cura

cam

virtut

ipfa f

Vorun

loyfiu

no.ner

xerun

V

diebu

rum

Ira

gellis

scus

Pater

ter I

Serto

Angu

vicib

milli

no.eto



2. de Virg. Quicumque sibi *MARIÆ* optat præmium, imitetur exemplum.

Præcipua vero cultorum *DEIPARÆ* cura esse debet, imitari ipsius Angelicam mentis, & corporis puritatem, quæ virtute nihil est ipsi gratius, cum eam ipsa fundauerit in mundo, quæ prima Votum Virginitatis emisit. Ita B. Aloysius, ita Alexander Bertius adhuc novæennes, voto se Virginitatis ubi traxerunt.

### Exercitium X.

**V**arias mortificationes assumere in honorem *DEI* Matris, præsertim diebus Sabbathi, & in pervigiliis festotum ipsius.

Ita se tanquam servum inutilem flagellis cadebat quotidie Pater Franciscus Suarez Soc: *JESU*; bis quotidie Pater Hieronymus de Mercado; ter Pater Ioannes Sebastianus; quater Pater Sertorius Capatus; ter, quaterus Pater Augustinus Elpinosa, infligens sibi quot vicibus duo, imo & quinque ictuum millia; duodecies intra unum diem & noctem Pater Gaspar Druzdicki. Alii

in ho-

in honorem ejusdem Pretiosissimæ Parentis arcta instituunt j-junia, quorum Franciscus Cardinalis Toletus, etiam in ultima ætate, Quadragesimam Marianam celebrabat ante ejus Assumptionem. Alii cilicio se, amore illius affligunt, è quorum numero Pater Ioannes Neronus quotidie per annos 40. Alii cum S. Francisco Xaverio in per-vigilio ejusdem somno se fraudant. Alii abjecta & humilia opera, in honorem humilitatis Marianæ exercent, uti exercebat Pater Martinus Alberto Septuagenarius, cui sabbatho domus tor-des colligenti, B. Virgo blandè faciem mulcens dixit : *Martine, scis sordes domus colligere : Fili mi: Valde mihi hoc placet.*

### Exercitium XI.

**H**Abere in conclavi Imaginem B. Virginis, eamque sæpè venerari, Ita Pater Ignatius Polancus Soc. IESU nunquam e cubiculo prodibat, nisi petita benedictione à DEIPARA, coram Ejus imagine. Alii oculos in imaginem Eiusdem desigunt, ad imitationem S. Alexij

Alexi  
temp  
imagi  
saluta  
tre Io  
B. Vi  
accep  
jufde  
cum

N  
nanti  
JESV  
pector  
dum p  
digito  
pronu  
ponic  
conce  
per di  
& MA  
Damo  
tiare  
DEL.  
Ali

Alexii, degentis sub porticu Edeseni templi. Alii eandem in obuiis ipsius imaginibus salutant, vicissimque ab ea salutantur, cum S. Bernardo, & cum Patre Ioanne Castillo S. I. qui imaginem B. Virginis osculatus, osculum vicissim accepit ex imagine. Alii imaginem ejusdem secum propè cor circumferunt cum S. Patre nostro Ignatio.

### Exercitium XII.

**N**omini Sacro Mariæ reuerentiam exhibere. Ita P. Franciscus Binnantius ex ordine Minimorum nomen JESU & MARIÆ scriptoriò cultello pectori insculpsit: sed hoc admirandum potius, quam imitandum: satis est digito id facere. Alii sæpe hoc nomen pronuntiant, qualis fuit illa Fœmina Japonica circa annum 1621. quæ ad finem conuersa, Angelo custode excitante, per diem 140000. vicibus nomen JESU & MARIÆ pronuntiabat, sicut olim; Damone eam noctu excitante, pronuntiare nomen solebat Amidæ Japonum DEI.

Alii nihil negant, quidquid nomine  
Ga MARIÆ

MARIÆ petitur. Alii caput inclinanti aut genu flectunt, audito hoc nomine Sacrosancto. Alii initium scribendi ab hoc nomine sumunt, ut ei laborem suum inscribant. Omis- sis, breuitatis studio alius exercitiis Pietatis erga B. Virginem, subiciemus pios affectus erga eandem.

### *Affectus erga B. Virg:*

Qui disponi possunt per Decades Coronæ.

**A** Doratio. Eminentissima DEI Mater & Virgo, adoro Te cultu Hyperboliz, cum tota Ecclesia, tanquam Matrem DEI, & Dominam mundi.

2. *Laus.* Gloriosissima DEI Mater Te laudo, & glorifico, & post DEVM ab omnibus laudari, & glorificari desidero.

3. *Gratulatio.* Gaudeo cum tota Ecclesia, & gratulor Tibi de omnibus donis nature, gratiæ, & gloriæ, super omnes Sanctos Tibi à DEO collatis.

4. *Gratiarum actio.* B. nescientissima Mater DEI, ago tibi gratias, pro

omni

omnibus obsequiis, & affectibus Christo Domino exhibitis, & pro omnibus beneficiis toti Ecclesiae impetratis.

5. *Amor.* Pretiosissima Mater DEI, Te summè post DEUM æstimo, & amo propter Dignitatem Tuam.

6. *Oblatio sui.* Dignissima DEI Mater, agnosco te, & recipio in Matrem & Dominam meam, meque Tibi in filium & mancipium perpetuum offero.

7. *Fiducia.* Potentissima DEI Mater, in Tua intercessione spem meam maximam post Christum, de bonis temporalibus & æternis repono.

8. *Petitio.* Benignissima Mater DEI, monstra Te mihi esse Matrem in vita, & in morte mea.

*Ultra hos affectus in festis B. Virginis: alii eliciendi sunt accommodati festo, quod celebratur. Itaque*

*In Festo Conceptionis, & Natiuitatis B. Virginis.*

I.

**S**alutabis cum SS. Angelis Reginam mundi, prodeuntem in hanc mundum.

G 3

2. Pro-



2. Proſiteberis, te firmiter aſſentiri, quod B. Virgo ſit concepta ſine labe, quàm diu Eccleſia contrarium non deſinuerit, quod utique non ſperatur futurum.

3. Gratulaberis ipſi de Immaculata Conceptione, de confirmatione in gratia, de uſu perfectò rationis, aliisque gratiis, quibus in inſtanti ſuæ Conceptionis fuit ſupra omnes Sanctos à DEO cumulata.

4. Pro iſdem fauoribus erga B. Virginem gratias ages SS. Trinitati, ſimul gratulando ipſi de illò gultu, & complacentia, quam habuit de hoc ſingulari opere ſuo, in eo inſtanti, quo illud creauit.

5. Adorabis in B. Virgine concepta & nata, relucentem DEI Puritatem, Sanctitatem, Sapientiam, Miſericordiam, &c.

6. Offeres tanquam ſubditus huic Reginae ſupremæ in mundum ingrediendi, aliquod veſtigial, V. G. aliquod firmum propoſitum.

7. Per Immaculatam ejuſdem Conceptionem, & confirmationem in gratia  
petes

petes puritatem, utque DEUM graui-  
ter nunquam offendas.

*Tessera hujus diei erit : Vivat Ma-  
ria Immaculatè concepta.*

*In Annuntiatione.*

I.

**A**dorabis B. Virginem tanquam vi-  
vum tunc tabernaculum Filii DEI  
Incarnati.

2. Gratulaberis ei de summa inter  
creaturas dignitate Maternitatis Filii  
DEI.

3. Cum tota Ecclesia ages gratias  
quòd Filium DEI in uterum suum su-  
sciperis, quòd eidem sanguinem suum  
purissimum ad formandum corpus præ-  
bueris, & pro omnibus obsequiis, &  
affectibus, quibus Verbum Incarnatum  
in suo utero profecuta est novem men-  
sum ipatio.

4. In honorem istorum 9. mensi-  
um, recitabis novies salutationem An-  
gelicam, assumendo alium Chorum An-  
gelorum, ad singulas salutationes, &  
ab eis perendo, ut pro te laudent Ma-  
triem DEI, ac in ea Verbum Incarnatum.

Ita faciebat Angelicæ virtutis adolescens  
Ioannes Berchmans Soci JESU.

5. *Petes* per Maternitatem ipsius  
ut tibi monstret Se esse Matrem.

Deinde per diem frequenter dicis;  
*Beata viscera Mariæ Virginis; quæ por-  
tauerunt æterni Patris filium. Beata  
Mater munere, cujus supernus artifex,  
mundum pugillo continens, ventris sub  
arca clausus est.*

### In Purificatione.

#### I.

**G**ratias ages Beatæ Virgini, & si-  
mul gratulaberis, quod prima fi-  
lium DEI in manibus suis SS. Trini-  
tati, in sacrificium hodie obtulerit,  
eique tantum gultum, & complacenti-  
am dededit.

2. Egenti B. Virgini offeres pro tur-  
ture gemitus tuos pro peccatis, pro  
columba, candorem, & simplicitatem.

3. *Petes* à B. Virgine, ut sicut ho-  
die præsentat DEO filium suum, ita  
te etiam præsentare dignetur SS. Tri-  
nitati. Deinde sicut deposuit Domi-  
num JESUM in vlnis Simeonis, ita  
etiam

etiam eundem in corde tuo reponas  
& custodiat.

*In Planctu B. Virginis.*

I.

**C**ompatieris omnibus doloribus &  
afflictionibus B. Virginis.

2. Ages gratias pro affectibus &  
obsequiis, quæ Christo patienti, & mor-  
tuo exhibuit.

3. Ad solatium ipsi dandum, diui-  
des ipsius dolorem tecum, subeundo  
voluntariè afflictiones, & dolores siue  
animi siue corporis.

4. Petes ab ipsa per dolores, quos  
in passione Filii sui sustinuit, ut tibi  
morienti assistat, sicut adstetit morienti  
in Cruce Filio suo.

*In Assumptione.*

I.

**S**upplex valedices discedenti in Cœ-  
lum B. Virgini, & petes ab illa cum  
Apostolis maternam benedictionem.

2. Gratias ages ipsi, quod viuendo  
in hoc mundo, tot exempla virtutum  
Ecclesiæ reliquerit.

3. Gratulaberis illi, quod illius ani-

G


nam

nam e corpore exeuntem Christus complexus fuerit, super Angelos exalta sit, & coronauerit. Gratulaberis item ipsi de gloria corporis, & de laureolis.

4. Recognosce illam sic coronatam, Reginam cœli & terræ, & cum singulis seorsim sanctorum ordinibus illam adorabis.

5. *Petes ut in cœlo sit tua apud DEUM aduocata in omnibus tuis indulgentiis.*

*Tessera hujus diei, Vuat Regina cœlorum. Vuat Domina Angelorum.*



## CAPVT XVIII.

Praxis colendi Sanctos Patrones.

### PRAXIS PRIMA.

*Diem S. Patroni deuote transigere.*

**I**mprimis præmissa lectione, vel meditatione vitæ Sancti Patroni, eliges aliquam virtutem ex vita ipsius, Sancto famili-



familiarem, in cuius virtutis actibus, aliquoties te per diem exercebis, in honorem ejusdem Sancti. Unde mane assignabis tibi occasionem, numerum, & modum exercendi tales actus, & in examine à te exiges hujus rationem. Denique quamcunque actionem honestam facies, non aliter facies, nisi affectu Sancti Patroni. similem actionem exercebis, & in unione similium actionum ipsius. Itaque die S. Ignatii, orabis affectu Sancti Ignatii, communicabis in unione communione S. Ignatii, actum amoris DEI elicies, affectu Sancti Ignatii, & sic de similibus.

Postremo saepius de die inuocabis S. Patronum per breues ad illum aspirationes; V. G. SS. Patroni assume me ad hos. Estote custodes cordis mei, nunc, & in hora mortis mea. Benedixi vos à Domino, qui fecit cælum & terram.

## PRAXIS SECVNDA.

*Varios affectus elicere erga S. Patronum per modum Coronæ.*

1. Sancte Casimire, adoro te cultu  
G 6 dulci,

dulix, tanquam amicum & Filium DEI adoptivum.

2. Gardeo de omnibus bonis naturæ, gratiæ, & gloriæ, quibus à DEO ornatus es, & præsertim de Angelica tuæ puritate.

3. Confundor, & erubesco, quod vitiis meis sim adeò tibi dissimilis, & præsertim tuæ puritati.

4. Ago tibi gratias pro omnibus affectibus & obsequiis erga DEUM, & Mariam, & pro tutela, quam hætenus mihi indigno præstitisti.

5. Recipio te in Patronum, & Advocatum meum, ac me tibi trado in servum & clientem, in vita, & in morte.

6. Per amorem JESU, & Mariæ, te rogo, sis protector meus in vita, & in morte, & impetra mihi a DEO tuam puritatem.

## PRAXIS TERTIA.

*Affectus ad DEVM circa Sanctos Patronos.*

### I.

**A**dorabo Divinas perfectiones specialiter

DECIMUM OCTAV:

141

gialiter relucen-tes in Sanctis. V. G. pu-ritatem in Angelis, sapientiam in Do-ctoribus, sanctitatem in Confessoribus, &c.


2. Gaudebo, & gratulabor DEO de omni honore, & amore, quem habet, & habebit v. g. a B. Aloyfio.

3. Desiderabo DEUM amare & lau-dare corde B. Aloyfii, in hac vita, mor-te, & in æternitate.

4. Gratias agam DEO pro donis naturæ, gratiæ, & gloriæ, B. Aloyfio concessis.

5. Offeram DEO omnia B. Aloyfii obsequia, merita, & affectus, siue hujus vitæ, siue æternitatis.

6. Petam a DEO per intercessionem B. Aloyfii, virtutem, in qua ipse excellu-it; v. g. castitatem.



C A P V T XIX.

Modus Sanctè moriendi

L

HÆc est Conclusio. quæ ex hæcenus  
GZ præ-

præmissis sequi debet, Mors sancta. Specialiter autem ut concludas vitam in bona forma, hæc dum vivis præmittenda sunt. 1. Nullum graue peccatum, etiam ad breue tempus, patiari in anima, sed quamprimum illud per confessionem dele. Nec unquam te ad somnum conferas, non præmissis actu contritionis. Quis enim scit an hac nocte non repetent a te animam tuam? Hæc vero, si in statu peccati mortalis è corpore discesserit, ubi erit?

2. Assuesce viuendo resistere tentationibus, & sape elicere actus. fidei, spei, & charitatis, ut sic habitu contracto, facilius eos elicias in illa débilitate corporis, ac doloribus morbi lethalis.

3. Nulli rei in hoc mundo nimis afficiare, sed potius ad Patriam celestem sapius aspira, sic enim suauiter, & sine dolore animi morieris, quia ut ait Sanctus Gregorius: *Cum dolore amittitur, quidquid cum amore possidetur.* De anima, sic in affectibus suis mortificara dicit sapiens, quod *redibit in die nouissimo.* Talis fuit Maria Oegniacensis, quæ in

quæ ingeminando Alleluia Alleluia, exspiravit. Tales illi Angelici Adolescentes è Soc: nostra, B Aloysius Gonzaga, & Ioannes Berchmans, qui nuntio mortis accepto, lætissimi decantantur: *Te DEVM laudamus. Lætatus sum in his, quæ dicta sunt mihi: in domum Domini ibimus.*

4. Cum præuisa jacula minus feriant, frequenter mortis recordare, eiusque successum DEO sæpè commenda. Hoc autem fieri potest imprimis in Sacro, dum per sacræ Hostiæ fractionem repræsentatur mors Christi Domini, ubi petes ab ipso, ne te in tua morte permittat à se in æternum separari. Deinde in meridie, cum signum datur ad orandum: tunc enim, in unione mortis Christi, quæ eo tempore contigit, in manus Domini spiritum tuum in suo egressu è corpore, commendabis. Postremo dum te ad lectum conferes, recordaberis sepulchri, in quo requies tua erit.

5. Beatissimæ Virgini, ac SS. Patronis supplica sæpius, ut tibi in illo supremo conflictu, suppetias ferant.

Sunt qui



Sunt qui singulis diebus inuocant SS. Patronos, singulis mensibus in Congregatione dari solitos, quorum nomina ad hunc finem habent conscripta ad instar Litaniarum. Alii pro singulis diei horis, cum Alphonso Rodriguez, distribuunt Patronos; quamlibet horam, ex quibus aliqua erit suprema, hoc sacro, praesidio, tempestiuè muniendo. Et hæc est præparatio ad mortem *remota*.

*Observanda, morte jam instante.*

## I.

**I**ntelleto mortis periculo, quàm primum pete Sacramenta poenitentiae, Eucharistiae, ac etiam, si tantum est periculum, Extremæ unctionis, nec non applicationem Indulgentiarum. Cum majori enim fructu sumuntur Sacramenta ab homine, rationis usu, & integris viribus adhuc pollente. Juvat verò, cum Sacerdote pactum facere, ut te sensibus destitutum, in supremo articulo vitæ absoluat.

2. Si cui facienda est restitutio famæ, honoris, pecuniæ, fiat adhuc te *viven-*

vinente, si fieri potest : alioquin ut  
quàm primum post mortem tuam fiat,  
efficaciter provide.

3. Condona ex amore Christi man-  
suetissimi omnes injurias, & offensas,  
tuis inimicis, ut DEUS tibi peccata  
condonet.

4. Pete veniam publicè pro de-  
fectibus, à tuis superioribus, imò eti-  
am æqualibus.

5. Si dispositio bonorum facienda  
est, fiat, ut monet S. Augustinus, dum  
sapiens es, dum tuus es. Deinde stat  
in statu gratiæ, ut sic tuæ elemosynæ  
sint meritoriæ vitæ æternæ; vel si facta  
est in statu peccati mortalis, post confes-  
sionem ratificetur. Fiat verò ad DEI  
gloriam majorem, & secundum ipsius  
voluntatem, ita ut etiam Christus in  
suis pauperibus instituatur heres à te,  
qui tibi suam transcripsit hæreditatem  
in cælo.

6. Si superior es, monitum aliquod  
pium tuis subditis relinque, quod tunc  
cordi audientium altius infigi solet. Ita  
S. Ludovicus Rex Galliarum, moribundus  
filio suo dicebat, apud Surium: Fili mi  
in eam

in eam rem ante omnia incumbere, ne unquam peccatum mortiferum committas. S. Antonius Magnus apud eundem Serium, hac verba suprema ad fratres dixit: Ad JESUM suspirare, & hoc sanctissimum nomen vestris figite mentibus.

7. Curet sibi infirmus, prælegi passionem Domini nostri. Item Historiam mortis B. Virginis, & aliquorum Sanctorum, Præsertim B. Aloysii & Iohannis Berchmans, ut exemplo pretiosa in conspectu domini mortis, Sanctorum, discat mori. Plurimum autem ad hoc conducet Liber, cui titulus: *Pretiosa morientium occupationes*: à Patre Iohanne Nadasi Soc: JESU editus.

8. Suadet ibidem hic author cap. 8. ut moribundus faciat has intentiones, pro sua morte. *Volo mori, quia amo DEVM. Et ideo solo illi ita facienti obedire. Volo mori, ut nunquam DEVM deinceps offendam. Volo mori, ut DEVM potius videam, Et perfectius amem, cum B. Virgine, Et SS. Patronis, ad quos aspiro. Volo mori, ut imiter IESVM Et MARIAM morientes. Volo mori, ut mortem*

*mortem stipendium peccati accipiam, pœnasque dem pro peccatis meis. Volo mori, ut immoler DEO, cui me tot modis debeo. Volo mori, ut vinam in Calo in æternum:*

9. Armetur æger in hoc supremo conflictu instrumentis pietatis, imagine crucifixi, sacris Reliquiis, & imaginibus Sanctorum, quas identidem adoret, & osculetur. Item cereo benedicto, quem manibus tenens, agat DEO gratias, quod se vocauerit in admirabile lumen suum, dicatque : *Tu illuminas lucernam meam, Domine illumina tenebras meas. Illumina oculos meos, ne unquam obdormiam in morte, ne quando dicat inimicus meus, prævalui aduersus eum.* Dum aquâ lustrali aspergitur, dicatur ; *Exsurgat DEVS, & dissipentur inimici ejus, & fugiant qui odêrunt eum à facie ejus.* Ita Ioannes Berchmans moribundus, Crucifixum, Coronam, & regulas, manu tenens dicebat; *Hec sunt arma mea, & his armatus obiit Romæ 13. Augusti, 1621. ætatis suæ 22. cum magna opinione sanctitatis.*

10. Faciat moribundus has vel similes

miles protestationes. *Protestor, quod  
 maior verus Catholicus, in Fide, & Cha-  
 ritate in DEVM. Protestor, quod vo-  
 lo mori mantipium IESV, & MARIE.  
 Protestor quod ex nunc, & pro reliquo vita  
 tempore nolo consentire ulli tentationi  
 Daemonis. Confirmo fidem datam DEO  
 in Baptismo, & abrenuncio mundo, car-  
 ni, Sathane, neque tibi conjungo Chri-  
 ste, in tempore & eternitate. Protestor  
 quod libenter accepto omnem diuinam  
 dispositionem, tam circa animam meam,  
 quam circa corpus, post mortem.*

II. Breuiter eliciat actus virtu-  
 tum, praesertim, Fidei, Spei, Charitatis,  
 Contritionis, Desiderii videndi DEVM,  
 iuxta dicta in *Corde Sancto*, ultra quae,  
 haec iuvabunt.

*Credo, Domine, spero Domine, Amo  
 Domine.*

*Credo & spero videre bona Domini  
 in terra viventium.*

*Deus meus misericordia mea.*

*In medio umbra mortui non timebo mala,  
 quoniam tu mecum es.*

*Cupio dissolui, & esse cum Christo.*

*Da mihi viuere Christus est, & mori lucrum.*

*Educ de*



Educ de custodia animam meam, ad Con-  
fitemdum tibi, me expectant iusti, donec  
retribuas mihi. Ita dicebat moribun-  
dus Sanctus Franciscus.

Quando veniam, & apparebo ante faci-  
em Domini.

Huc spectant, quæ sequuntur ex solilo-  
quiis S. Augustini. Ostende mihi com-  
solator meus. Videam te lumen oculo-  
rum meorum. Veni gaudium spiritus  
mei: Videam te latitiam cordis mei. Am-  
plectar te, bonum, sine quo nihil bonum.  
Fruar te optimo, sine quo nihil opti-  
mum. C. I.

O vita, cui omnia videntur, vita, quæ es  
mea vita. per quam vivo, sine qua mo-  
rior, vita vitalis, dulcis, & amabilis, ubi  
queso es? ubi te inueniam, ut in me de-  
ficiam & in te subsistam.

Eja Domine, moriar, ut te videam, vi-  
deam ut hic moriar.

Mori desidero, ut videam Christum,  
vivere renio, ut vivam cum Christo. ibi-

O Lux sine qua tenebre, illuminare hu-  
ic cæco, qui in tenebris, & in umbra mor-  
tus sedet, & dirige pedes ejus in viam pa-  
tris, per quam ingrediar in domum. C. 4.

O Gloria

O Clauis David, aperi mihi ostium  
luminis tui, ut ingrediar, & videam te.  
cap. 7.

Adiuua Domine creaturam tuam. Non  
pereat in malitia, quod operata est boni-  
tas tua. cap. 11.

Scio Domine, & confiteor me indignū,  
ut intrem sub tectum tuum, sed fac pro-  
pter honorem tuum, & ne confundas in-  
te sperantem seruum tuum. cap. 23.

O Fons Vita, Vena aquarum viuentium  
quando veniam ad aquas dulcedinis tue  
de terra deserta, in Via, & in aquosa.  
cap. 30.

O Dies preclara, & pulchra nesciens  
vesperum, non habens occasum, in qua  
audiam: Intra in gaudium Domini tui,  
ubi erit omne bonum. & non erit aliquod  
malum, ubi erit, quidquid voles, & non  
erit, quidquid noles.

Veni Domine, & noli tardare, Veni Do-  
mine IESV, & visita me in pace Veni  
& educ vinclum & carcere, &c. Vide  
plura cap. 15. & 36.

Ultimo colloquatur itidem moribun-  
dus, eum JESU & MARIA, per breues  
orationes ejaculatorias.

IESV

DECIMUM NONVM 155


IESV MARIA amores mei, patiar, mor-  
lar amore vestri. O IESV, esto mihi  
ESVS, & Saluator: IESV agonizans,  
viti tue mortem meam unio. IESV pro  
e mortue, mors tua sit vita mea. O bone  
ESV exaudi me, intra vulnera tua ab-  
conde me, & ne permittas me separari. A  
Domine IESV suscipe spiritum me-  
m. Tu es Christus Filius DEI vivi,  
dominus meus, & DEVS meus.

MARIA MATER gratia, MATER  
misericordiae.


Monstra te esse MATREM.

Eja aduocata nostra illos tuos miseri-  
ordes oculos, ad nos conuerte. & IE-  
VM benedictum fructum ventris tui, no-  
is post hoc exilium ostende,

MATER DEI ME MENTO MEI.  
O MARIA SIS MIHI PROPITIA.



CAPVT



## CAPVT XX.

Exemplis quorundam Illustrium sodalium, traditur ars, sanctè viuendi, & moriendi.

*Quia semper exemplo melius docetur, iussabit postremo Sodalibus Marianis in hac Palaestra nobiles Athletas proponere, qui in varijs B. Virginis Congregationibus pietate floruerunt. Horum Princeps est.*

## B. ALOYSIUS GONZAGA.

**I**S, Patre Imperii Principe & Castilionis Marchione natus, septimam ætatis annum, sive ad DEVM conversionis tempus appellabat, ea constantiâ tunc jam feliciter inchoatâ, ut deinceps, prout quatuor fide digni eius Confessarii affirmarunt) nunquam se à DEO per mortale peccatum auerterit. Nouennis adhuc Floren-

Florentiæ ante imaginem Virgînis ab Angelo Salutatæ, perpetuò Virginitatis voto se obstrinxit, tam perfecte semper obseruato, ut illud testari posuerit Sacra Romana Rota : *Aloysius nunquam stimulum carnis passus est, nec cogitationem ullam impuram in mente habuit.*

Temperantia planè fuit admirabilis, Nam præter alia extraordinaria jejunia, singulis hebdomadis, feria sexta & sabbatho, ac etiam sæpè feriâ quartâ, solo pane & aqua contentus vivebat. Ter imprimis per hebdomadam : ac deinde in ultimis in sæculo annis, die quolibet semel : postremò ter de die, seu flagellis, seu loris, seu ferreâ catenula, se ipsum cædendo cruentabat. Sæpè asserem sibi dormienti supponebat. Sæpè loco cili- cij acutis calcaribus tenerum corpus strigebat.

De studio orandi quid dicam ? Mane quolibet ultra prolixas vocales orationes, rerum sacrarum meditationi, unam horam dabat; vesperi autem quandoque duas. Nec his contentus, nocte media alijs quiescentibus, è lecto surgebat, & solo indusio etiam inter hyemis rigores



sectus, ac præ frigore tremens, per aliquot horas, genibus flexis meditationi vacabat: ut quandoque præ corporis debilitate, in terram prolapsus, jacensque orationem finiret. Ab hac porro consuetudine orandi, non destitit Aloysius, etiam in Aula Regis Hispaniarum biennio degens: ubi in abditos recessus fugiendo, quinque horas Cœlestium rerum contemplationi impendebat. Modum ac frequentiam sacræ communionis à S. Carolo Borromæo edoctus, eâ teneritudine animi, diebus festis usurpabat, ut in lacrymas uberrimas sæpè solueretur, à quibus etiam, diebus profestis, sacrum audiens, post eleuatam Sacram Hostiam, sibi temperare non poterat. Hac verdè pietate insignem illum promeruit DEI MATRIS fauorem, cum de statu vitæ deliberans, die Assumptionis Delparæ, sacra peracta ad hanc intentionem Communionem illam, Madriti, à pretiosissima Parente audinit vocem: *Ingrederet Societatem filii mei.* Quam ut ingrederetur, incredibile dictum est, quantas Patris iras, quod obstacula toto triennii fortissime superauit. Qualem vero in

Soci

Societate vitam egerit, quàm pretiosa morte breui coronatam; non est propositi mei referre, qui Aloysium nondum Religiosum, sed adolescentem adhuc in tenera ætate, in aulis Regum inter Principum delicias, Sodalibus propono.  
*Ex Virgilio Cepario.*

B. STANISLAVS  
 KOSTKA Polonus.

Planè materno adhuc ex utero in Societatem JESU vocatus esse videtur, dum splendentibus Nominis JESU radiis in utero circumfusus, antequam in lucem prodisset, Matri suæ apparuit, teste *Guagnino*. Illibatæ Virginitatis florem & innocentiam, nullâ gravi labe contaminatam, secum ad Religionem, ac inde breui ad cælum tulit, prout eiusdem in spiritu Magistri, *Ruzizius* & *Iulius Fatius* affirmarunt. Hanc etiam innocentiam honoravit cælum, cum bis Angelos misit, qui Stanislaum, Pane Angelorum reficerent. Honorarunt etiam elementa, cum ignis aliquando cervicalia Stanislai decumben-

tis capiti subiecta aggressus, caput tamen non attigit. Solus exhorruit infernus, atque ille Erebi canis, qui agrotantem Stanislaum ter frustra insiliit, ter ab eodem crucis signo fugatus.

Angelica eius puritas, nec verbum audire potuit honorari adversum. Itaque ad paternam mentem, si quid liberius ab aliquo hospitum proponeretur, illico vertis in coelum oculis Stanislaus, veluti exanimis, sub mentem delabi, a fratre suo Paulo non semel observatus est. Modestia, & omnium affectuum moderatio singularis in eo fuit, ut nihil in eo puerile, signum iracundiae nullum comperitum sit.

Amor Orationis quantus! quam non interdiu tantum in abditis adium recessibus, sed noctu etiam in alto rerum omnium silentio, positus humi genibus, aut prono stratus corpore, prolixam faciebat. Mensae quin assidens, saepe cibi penè immemor, rerum Divinarum gustu mentem pascebat. Quotidie binis, ternisve sacris; festo autem die, pluribus interebat, & quidem nixus genibus, corpore immotus, oculis decore demissis manibus ante pe-

ante pectus compositis, non raro etiam à sensibus abstractus. Diuinissimum Sacramentum quotidie ante initium, & post finem scholarum inuisebat, idemque sumebat Viennæ studens, quauis hebdomada, pridie coena abstinendo.

In DEI Matrem quanta fuit pietas Stanislai ? eam Matrem suam appellabat : ab ea benedictionem conuersus ad templum, quidquid agendum erat, postulabat : Eius eneomia inter scholasticas exercitationes sibi tractanda assumebat, omnesque scriptiones suæ paginas illa oratione implebat : *O MARIA sis mihi propitia; & nouos semper & magnificos inueniebat titulos, eius Rosarium aut pios libellos, extra tempus studendi, perpetuo versabat manibus, demum in longo illo ac molesto itinere, sicubi imaginem DEI patris conspexisset, nusquam reliquit insalutatam. Itaque ipso die Virginis Assumptæ, cum paucis ante diebus, per suum Patrum Laurentium, literas ad eam scripsisset. quibus postulabat. ut sibi spectatorem triumphi ipsius*

us in cœlo adesse liceret, mille osculis  
 imagini Deiparæ impressis, Rosarium  
 manu tenens, in honorem, ut dice-  
 bat, suæ Matris, Eandemque tunc ( ut  
 aliqui putârunt ) præsentem intuitus  
 ad eius complexum feliciter obiit Ro-  
 mæ in domo probationis Soc: JESU,  
 1568. ætatis suæ 18. decem mensibus  
 in Societate transactis, quam tam ar-  
 denter expetiit, ac etiam per tot via-  
 rum spatia Viennâ usque Dilingam,  
 hinc deinde Romam quæsiuit; à qua  
 denique paternis literis, minarum pro-  
 brorumque plenis, avocari non potuit.  
 Ut proinde immane mendacium sit,  
 à quibusdam malevolis in hoc Regno  
 contumeliose confictum, B. Stanisla-  
 um exera Societatem dimissum, in ali-  
 quo Xenodochio Romæ objisse, cum  
 tamen de hoc Romæ, nulla suspicio  
 fuerit, ut ipse ibi exploratum habui :  
 & nuper Clemens X. in Bulla, quâ hu-  
 ic Beato Sacram concessit, Pontificio  
 Oraculo testetur, eum esse Societatis  
 JESU, ac proinde à Societate non di-  
 missum.



## ALEXANDER III.

Italus, Sodalis Collegij Florentini.

**A**Dhuc quinquennis Christi patientis cruciatus, sæpè meditari, ac de illis suaues habere sermones consueverat. A septimo ætatis suæ anno, cepit gestare cilicium quoddam ex funiculis elaboratum, quod quia asperum ei minus videbatur, petiit à Confessario, & obtinuit catenulam, quâ infanctiles adhuc stringebat artus. Vix novenniis, non in alienam iuravit perniciem, sed maior Annibale Alexander, in suæ utilitatem animæ, maturum in eundæ Religionis fecit propositum, eiusdemque, ab iis quibus intererat dilatam executionem, multis lacrymis delenuit. Decimum agebat annum, quo miris rerum Divinarum deliciis affluere cepit. Aliquando enim inter duos Angelos consistere sibi videbatur, quibus à DEI pars, suæ integritatis servandæ, cura demandabatur. Quâdoque ipsa pretiosissima Parens, eidem

studenti, assistere visa est, librorumq;  
pagellas euoluere; semel etiam agro-  
tanti adstare prope lectum, & floscu-  
los ad temperandos febris ardores ad-  
mouere. Die eiusdem Virginis puri-  
ficatæ, cum primum Sacrosanctæ Eu-  
charistiæ pabulo reficeretur, videbatur  
sibi habere cor in duas partes diuisū,  
ac JESUM in medio ipsius collocatum  
quem exinde ea deuotione in Sacra-  
mento latentem persecutus est, ut à  
maiori altari, pœne auelli nunquam  
potuerit, vulgo Ephebus SS. Sacramen-  
ti appellatus.

Nihil illi gratius unquam fuit, quàm  
de MARIA loqui, audire, cogitare.  
Domum ex Oratorio redux, congre-  
gatis in aula famulis ac domesticis,  
primò ipsis libellum aliquem pium præ-  
legebat; mox de rebus Diuinis disse-  
rebat, cum eo affectu, ut audientibus  
lacrymas moueret, eosdemque ibidem,  
ad corporis flagellationem suo exem-  
plo duceret. Morbo supremo corre-  
ptus, frequenter de Christi passione,  
aut legere, aut differentes audire gesti-  
ebat: & si quid amara medicina su-  
mendum

mendum fuit, in illas prorumpere vo-  
 ces, *O Bone IESU, quàm acerbior fuit*  
*Calix tuus!* Interim coelestibus non ca-  
 rebat deliciis animus. Die quodam,  
 cum ex pia lectione, quasi in somnium  
 se vultu hilari composuisset, a matre  
 quæsitus, quid ageret: Delicias, inquit,  
 animæ meæ JESUM & MARIAM, in-  
 ter innumera Beatorum æmina loco  
 cellissimo intuitus sum. Die altero  
 repente ex contemplatione quadam ex-  
 perrectus: An non, inquit, coram in-  
 tuemini Mariam DEI MATREM Do-  
 minam meam, meumque custodem An-  
 gelum, & Mariam Magdalenam de  
 Pazzis (erat huic Beata, adhuc vivens,  
 gratus admodum Alexander, & ab eadē  
 Angelus terrestris appellatus) tum ad  
 hos conuersus hospites, multa cum il-  
 lis loqui visus est. Cum verò in illo  
 temporis puncto, Dæmon se illi formâ  
 horrendâ spectandum obiecisset: Quid  
 quaris, inquit, Bestia? facesse, testimo-  
 nium conscientiae meæ, DEO fauente,  
 bonum est. Denum præ nimia delici-  
 arum affluentia, quasi moræ impatiens,  
 fractis jam viribus, è lecto se proprien-

do. atque ingeminando : In cœlum , in  
cœlum : ac fixis in cœlum oculis, sapē  
IESV ac MARIE nomina SacroSancta  
inuocans, ex hac vitâ decessit. Florentiæ,  
virtute florentissimus, in Aprili, Anno  
Christi 1608. ætatis suæ 15. Hæc tum ex  
libro Italico Bononiæ impresso, cui ti-  
tulus, *Corona duodena duodecim florum*,  
tum ex P. Lechnero lib. 1, cap. 10.

ANTONIVS VBALDINI,  
COMES.

Montis vicini Italus ,  
*Sodalis Seminarii Romani.*

PLANè adhuc puer, præter coronæ ac  
Psalmorum poenitentialium, aliarum-  
que orationum vocalium pensum quo-  
tidianum, diebus profectis meditatio-  
nem per semihoræ spatium, festis verò  
diebus, per horam integram protrahe-  
bat, eò sensu pietatis, ut totus accendi,  
ac in lacrymas solui videretur præser-  
tim cum Christi Saluatoris cruciatus  
recoleret. Quoties sacræ mensæ ac-  
cumberebat, ( id quod post annum æta-  
tis du-

tis duodecimum, octauo quoque die facere solebat ) lacrymas non poterat continere, ultro ex oculis iam asuetis erumpentes. Ad eam verò ita se præparabat, ut unam horam meditationi, alijs adhuc dormientibus, aliam in Oratorio pijs impenderet exercitijs, nec nisi post longam gratiarum actionem, inde recederet, & quidem ad sacram lectionem in suo conclauì continuandam. Præcipuè suum affectum Deiparæ colendæ consecrauerat. Ergo ad eius amorem Sodales inflammare, laudes ipsius celebrare, vigilijs omnes festorum, ac dies Sabbathi, in pane & aqua, ab anno ætatis suæ octauo ieiunare, diebus singulis eiusdem Virginis officium recitare, familiare Antonino fuit. Post Deiparam singulari, per orationes quotidianas, cultu venerabatur Sanctum Ignatium, Sanctum Franciscum Xaverium, & B. Aloysium, quorum festo imminente die, in nudo assere & quidem duabus duntaxat per noctem horis, somnum capiebat, reliquum noctis partim flagellationi, partim lectioni sacræ, partim Orationi, diem verò poenè



integrum in Sacello D. Tutellaris, orationi impendens. Corporis mortificatione plane admirabilis in eo fuit. Adhuc in domo paterna puer, diebus communione, ac L'Eipara perniciis, nihil prater panem sumebat: In Seminario manens singuli feris sexus vix aliquid obsonii Ter in hebdomada supra nudos afferebat, alias ligno capiti, aut libro aliquo pragranti supposito. Prater cilicia frequentia, & ferreas puncturas, alternis diebus corpus suum carenula; ve intertextis inter funiculos ferri fragmentis dire lacerabat, quæ laniena plerumque uno horæ quadrante, quandoque medio horâ, aliquando etiam horâ integrâ durabat. In morbo supremo decumbens nulla penitus sociorum colloquia, quæ d rebus piis non essent, admittere voluit. Vbi verò nuntiam de morte imminente accepisset, nihil sibi dolori esse dixit, ni quod sine sanguinis effusione, extra lapponicos carceres & flammias moreretur. Tum à suo Confessario instantè perit ut saltem sibi liceret novitium Societatis JESU mori. Ergo ita annuente Praposito eiusdem Societatis Generali Martino Vi-

Vitellesco, veste Religiosa indutus,  
 votis Societatis simplicibus, obstrictus  
 DEO, vestem illam osculatus dicebat :  
 benedicimus DEVM Cœli, & terræ,  
 quia fecit nobiscum misericordiam su-  
 am. Postremo inter continua JESU  
 Crucifixi oscula & amplexus, inter cre-  
 bram MATRIS gratiæ invocationem,  
 sancte obiit, 11. Julii, Anno 1620. æta-  
 tis suæ decimo septimo. Ex libello cui  
 titulus *Coronæ duodecim florum.*

## STANISLAUS ZBO- ROWSKI, Polonus.

*Sodalis Collegii Ingolstadiensis.*

DE hoc Adolescente, non minus Na-  
 tæ splendore in Polonia Il-  
 lustrissimo, quàm virtutibus Ingolstadii,  
 ubi st. d'is operam dabat, eximio, ita scri-  
 bit Pater Gaspar Lechnery in *Sodali Par-  
 thenio* lib. 1. cap. 9. Modestia morum, a-  
 nimique submissione ea vixit, ut eum  
 omnes in oculis atque animis ferrent.  
 Amabat familiaritatem inire cum iis,  
 quos fortuna interior, a reliquorum cō-

fuetudine rejiciebat. Veste obsoletiore libenter utebatur, & à Confessario sapè adigi debebat, ut pretiosiores vestes pro familiae honore tuendo, subinde indueret. Orandi studio & conscientiae puritati impensè studebat, ut singulis hebdomadis culpas certò expiaret. Vnde factum, ut pridie quàm è vita discederet, monitus, ut si quid animum sollicitū haberet, foras proderet, vix leuē culpā repperit. Corporis edomandi multum studiosus fuit, ut fere nihil in eo genere ab aliquo gereretur, cui non se socium praeberet; ac multo iam tempore, singulis Sabbathis à cœna abstineret. Denique cum & genus, & opes, & praeclara indoles. in maximam spem eum duceret; ille magnanimo iuvene dignissimum facinus aggressus est, coepitque supra humana ire. Iamque in eo erat, ut abdicatis iis, quæ nos imbelles animæ miramur, DEO se penitus in Religione emanciparet, cum à DEO Optimo ad stipendia potius accipienda, quàm promerenda evocatus, relicto magno sui desiderio, variolis suffocatus. è vita abiit. Ingolstadii, Anno mortalis DEI hominis. 1619.

STAN-

# STANISLAVS BRVDZINSKI, Polonus.

*Sodalis Collegii Califfiensis, & Pofnaniensis.*

**J**lluftri ac peruetufta in Regno Polonia, Paterna quidem Brudziniorum, Materna vero Ruffociorum, utraq; Senatoria ortus ex Familia Stanislaus, anno falutis noſtræ 1601. tenerioris curſum ætatis, non domi tantum, ſed in Aula etiam Regia exegit: ubi Familiares non niſi probatiſſimos admittens, prauaque exempla deuittans, innocentiam vitæ, morumque integritatem retinuit. Studio- rum cauſa Poſnaniam, ac deinde Califfium miſſus, tam in ludo literario, quam in cœtu Mariano, omnibus ſuis commilitonibus fuit exemplar modæſtiæ, ſpeculum probitatis, lux & anteſignanus diligentia. Verrere ſolitus Oratorium Marianum, dixiſſe aliquando fertur; Se id non modo libenter facere, ſed etiam non aliud munus perpetuum in Sodalitate ambire. quam ejiciendi ſordes è loco Oratorio, Elucebat in eo ultra ætatem ſingu-

singularis morum maturitas, & animi  
semper in quâlicunque offensa placidissi-  
mi mansuetudo, quâ & aliorum imperus  
retardabat, & omnibus summè amabilis  
erat. Quinta ante morbum supremum  
die, in pernoctio SS. omnium, præmisso  
prius diligenti examine, conscientiam  
generali totius vitæ confessione expiauit,  
ita puram ac innocentem, ut post ejus  
obitum, testatus sit sacri fori iudex, se  
nullam in Stanislao noxam mortalem re-  
periisse. Morbo deinde breui post cor-  
reptus, inter atroces calculi, aliosq; plu-  
res cruciatus, ita quietus vultu ac mente  
decubuit, nullum ut ei impatiens ani-  
mi indicium, nulla vox eruperit. nisi il-  
la, qua a suo Pædagogo frequenter urge-  
bat, ut pro se Eleemosynam pauperibus  
erogaret. Crescente in dies absq; spe  
sanitatis morbo, trina confessione inno-  
xiam adornans potius, quam emundans a-  
nimam, hospitem ad se, in viatici specie  
DEVM hominem, tanto ardore ac re-  
uerentia suscepit, ut vix etiam spirans,  
demissis tamen in terram genibus, absque  
ullo fulcro per horæ terme dimidium,  
cum sit prætolutus, ac præsentem con-  
tinua-



inuatis per horam integram veneratus obsequiis. Tum ad Matrem eius Virginem conuersus, consueta Sodalitatis forma, se ipsum eidem in seruum perpetuum, etiam in supremo vitæ suæ termino deuouit. Et sanè expertus est singularem Matris Misericordiae opem, in periculoso illo agone, bonus filius, cum proximus morti, sapius famulis respondenti ingeminaret, *Qui ego ista merui, Virgo Beatissima? Non ego hic dignus sum. Virgo Beatissima. Ora pro me piissima Mater.* Pridiè mortis a quodam quæsitus, quidnam cogitaret? conuersis ad Christi Crucifixi imaginem oculis, respondit: *DEVM meum cogito: DEVM meum cogito.* Tum iterum interrogatus, an mortem DEO ita volente libenter obiret? placidissime dixit. Libenter mortem de manu DEI accipio. Erga sui quoque nominis tutelarem B. Stanislaum Kostkam religiosius, sæpè imaginem eius osculatus dicebat: *B. Stanislae, tuum Stanislaum non desere.* Atque ita post unius mensis infirmitatem, sacro perunctus oleo, applicata etiam a Sacerdote sibi præsentè, plenariâ Indulgentiâ

gentiâ, & SS. nom.ine JESU innuocato,  
 & fixis in obiectam sibi sacram in aginem  
 oculis, nobile Polonarum Seda itatum  
 sedus, corpore & spiritu, in terris ardere,  
 & lucere desit, Anno ætatis suæ 14. *Ita  
 testantur Annales Sodalitatis Califfiensis.*

Plures Athletas, illustria vel huius coe-  
 tus Vestri Posnaniensis, sub Titulo sine  
 labe Conceptæ Virginis Matris, decora,  
 in Palæstram hanc deducerem, Sodales  
 Mariani. Ex vestro enim Atbo ab an-  
 no 1602. prodiere ad purpuram tres Ro-  
 mani Imperij Principes, ad Antistitum  
 in Regno nostro Insulas 19. ad Palatino-  
 rum laticlauia 40. totidemque ad subel-  
 lia Castellanorum, ad Abbatiale pedum  
 8. ad Cathedralium Ecclesiarum Canoni-  
 catus 30. ad diversas Religiosorum fa-  
 milias ducenti propè, præter alios, quo-  
 rum statum ac dignitates injuria tempo-  
 rum in Album non retulit Verum co-  
 ronidis instar sit coronatus in Iapenia  
 Victor.

**ALBERTVS MECINSKI.**  
 Sodalis Lublinensis & Posna-  
 nienſis.

*Ingens*


**I**ngens enim verò in Palaestra hac vestra  
 virtutis nomen, cuius Albo inscribi  
 postulauit Anno 1614. dum extremum  
 lustraturus solum ac solem, ex Polonia  
 abiret. De quo hæc strixim. Illustris-  
 simis Robnis oriundus ille, prima statim  
 ætate virtutibus vernare cœpit in Sodali-  
 tate Lublinensi, ac præsertim amore in  
 magnam DEI MATREM, quam uni-  
 cum suarum necessitatum Asylum appel-  
 labat. Ultra consuetam sodalibus pietatis  
 opera, solenne illi erat, simulata somni  
 quiete, lectoque tacite relicto, horas re-  
 rum cœlestium meditationi tribuere, ac  
 moderatorum vigilantiam sanctè fallere.  
 Hinc vultum eiusdem perpetuus virtu-  
 tis comes colorabat verecundia, totum  
 verò corpus modesta compositio. Inter  
 sermones promerebat sæpè astus illos vo-  
 torum, quos altero nonnisi in orbe lim-  
 phis restringendos, accenderant illustres  
 Martyrum Iaponensium triumpho, in cœ-  
 tu sodalitatis celebrati. Deliberabat jã  
 de proposito vitæ, cum subito mendica-  
 li in platea vocem accipit, illud Davidi-  
 cum occinentis, *Nolite confidere in Prin-*  
*cipibus, in filiis hominum, in quibus non*  
*est salus*

*est salus.* Quo velut cestro percitus, Societatis JESU nomen dare in animum induxit sed enim mentem hanc varia eripiebant illi lenocinia mundi, furores Orci, per ædes, quas inhabitabat, toties obstrepentes, imò & matris, quæ alapa impressâ, constantiam adolescentis expugnare volebat, ad primum de pio vitæ proposito nuntium. Verùm omnia hæc, loricated seipso, ille virili superauit animo. Ergo Romam tandem à morte parentis aduolat ad Tyrocinium Societatis JESU, ubi laxatis pietatis in cœlorum Reginam habenis, inter paucos eximius apparuit. Nouis iisque peraugustis exornare eam titulis, iconem illius ad ædes D. MARIE Maioris, eminens de genu venerari, Festa Mariana, octiduana corporis afflictione præuenire ac subsequi, in emaceratos frequentibus jejuniis artus sœuere, omnibus virtutibus excolere, capacissimam omnium mentem, primæ tum Mæcinii erant curæ. Ergo tanto virtutum pabulo auctæ, veteres Iaponici martyrij flammæ, in apertum erupere incendium. Impetrata magno votorum à Præposito Societatis Ge-

nerali

herali Iaponica Missio, enauigatu longis-  
sima maria, tolerati apud Hollandos du-  
rissimi carceres, immensi labores viarum  
exantlati, tandem adita votorum apex Ia-  
ponia, ipsūque Nangazachium, termi-  
nalis limes vitæ ac laborum. Centies ibi  
& amplius, magna undæ copia, in os supi-  
pinatum, atque viscera, Heroi Europeo  
ingesta, iterumque admotis tabulis me-  
dullitus expressa. Septem deinde die-  
bus, omnibus vitæ præfidiis destitutum,  
imò omnibus enectum Iaponicæ crudeli-  
tatis pœnis, furca ac fovea, aquis putidis  
stagnans præfocabat, donec tandem victo-  
rem spiritum exprimeret expromeretque  
celo. Sic Mécinius è vitæ naufragio,  
æternitatis fortunatas insulas attingit, cœ-  
lumque in undis, relucens per suam  
imaginem, re ipsa beatus com-  
prehensor obtinuit, ma-  
gnus Heros Palæstræ  
Marianæ.

Ad M. D. G. H.







**Q**uæ narrantur in  
hoc libello de vitâ  
& virtutibus quorundâ  
B. Virginis Sodalium,  
& Miracula, Prophetias  
Reuelationes, aliaq; hu-  
iusmodi sapiunt: huma-  
na duntaxat authoritate  
non autem Divina Ca-  
tholicæ Romanæ Eccle-  
siæ, & Apostolicæ Sedis  
nituntur, atque ita fides  
sit penes authores, juxta  
Decretum Urbani VIII.

7. Iunij a 1634.



# SYLLABVS CAPITUM

- Caput 1. Proponuntur quedam  
Principia practica, sancte viuen-  
di. pag. 1.
- Caput 2. Remedia ad fugienda &  
extirpanda vitia. 19.
- Caput 3. Praxi exercitij matu: 27.
- Caput 4. Examen Vespertinum 30.
- Caput 5. Obseruanda circa quam-  
cunque actionem ut perfecte  
fiat. 32.
- Caput 6. Orationes ciuitulatoe per  
diem usurpanda. 34.
- Caput 7. Praxes visitandi SS. Sa-  
cramentum. 40.
- Caput 8. Modus audiendi Sacra. 44.
- Caput 9. Praxis recitandi Corona  
- B. Virginis. 47.
- Caput 10. Varia Corona per hebdo-  
madam dicenda. 54.

Caput 11. Observanda circa Confessionem. 55.

Caput 12. Praxis sacre cōmuni: 64.

Caput 13. Actus virtutum Theologicarum & moralium remissionis. 70.

Caput 14. Praxis laudādi Deum. 71.

Caput 15. De modo colendi Christum, & festa eius celebrandi. 72.

Caput 16. Breues Meditationes de Passione Christi. 85.


Caput 17. Modi colendi B. Virginem praesertim in festis ipsius. (103.)

Caput 18. Praxis colendi Sanctos Patronos. 115.

Caput 19. Modus Sancte moriendi. (117.)


Caput 20. Exemplis quorundam illustrium sodalium, 125.

Concluditur ars, Sancte vivendi & moriendi.



3.  
5.  
4.  
lo-  
es-  
10.  
71.  
ri-  
en-  
72.  
de  
85°  
rgi-  
ius.  
3.)  
ctos  
15.  
ndi  
17.)  
n il-  
25°  
di







Biblioteka Jagiellońska



stdr0018796

